



OKETOPA 2022

Tusi Faitau: Luka 19:1-10

MATAUPU : UA SOLOIA PA VAELOTO

MATUA. : " E leai se tuaoi ole Alofa faaola a Iesu mo i tatou uma."

Ole viiga ma le fa'aneetaga e i le Atua lava lea. Aua " O le Alii o lo'u leoleo mamoe o ia."(Salamo 23). Ioe, ole Atua leoleo lava o ia. Sa ia leoleoina le ulufafo ma le ulufale o lo outou Paia ma le mamalu tele, i lena fo'i Masina ua mou atu. O lea fo'i ua finagalo malie lava ia, e momoli mai i tatou uma i lenei fo'i Masina Fou. O upu masani ai failauga, ua sau le va'a na tiu tau mai le va'a na tau; a'o lo'o mamau pea lagona ole va'a na fao afolau. Viia le Alii. E lelei le Alii.

E toe ofo alofa atu fo'i i le mamalu ole tatou Kapelenisia Samoa i le Laumua nei. Faatalofa atu i le tatou au faitau ole tatou auunaga lenei, Le Taulogologo. Malo le folau manuia.

Ua manatu e faaogaina le Evagelia ole Aso Sa mulimuli o lenei Masina, e maua ai se feau faaleagaga mo i tatou i lenei foi Masina.

Fai mai le tatou Manatu Autu:

“UA SOLOIA PA VAELOTO”.

Ole tala masani, ae o se tala fo'i ua lauiloa i totonu o le Tusi Paia, lenei tala ia Sakaio. Ole faamaoniga o lea manatu. Ole matua'i toatele o'i latou ua faasuaafaina ia Sakaio. Po'o le a lava pogai na ala ai ona faaigoaina e matua nei fanau ile suafa ole Susuga ia Sakaio, ae ou te manatu e pule pea le loomatua i lana tama e pei ole gagana a tamaiti Leauva'a.

Ole vaega taua o lo'o fia tulimata'i, ole tepa a'e lea o Iesu ma ia silafiaina lelei lenei tagata o Sakaio. O se tagata ua matua'i inosiaina, itagia, ma ua le toe fia faauoaina e se tagata. Aua o lona Tofi ma lana galuega, o ia ole ao lafoga sili, e ala ai ona ta'ua o ia e tagata "Ole tagata lē mamā." E na te ao faasili, ma ua saga atili ai ona tele lona tamaoaga. Ma e i ai se manatu faa-mataupu silisili. Ole tasi lava lea mafua'aga o lona a'e toatasi lava o ia i luga o le sukamoro e aunoa lava ma se isi po'o se tasi, na te fia ofoina atu se fesoasoani mo ia. Ole fa'aailoga ole itagia ma le inosiaina o ia e tagata.

Peita'i ane, ole afio ane o Iesu ma ia silafiaina lelei o ia, ona fetalai atu lea ole Alii ia te ia," Sakaio e, ia e vave ifoifo ia i lalo, aua e tataua ona o'u nofo i lou Fale ile Aso nei." O lea ua faailoa mai e Iesu, o se uo mamae i laua ma Sakaio, ma o se uo ua leva. O lea ua fesoota'i le saili mai o Iesu se'i toe tau faalelei ma taufonofono le ola tusitusilima o tagata, le ola taufaifai, le ola vaai maualalo, le ola le amanaiaina, le ita fua lava i le isi uso tagata.

Ae leai fo'i se faitio, a le feita ai fo'i tagata i le alii nei ma lana amio. Ua le gata ina ia ao lafoga mo le Malo Roma, ae ua ia ao faasili ma maua ai ni faasiliga se tele mo ia. Ole mafua'aga tupito lava lea ole inoino o tagata ia Sakaio. Peita'i le au uso e, o le feau ua toe faamanatu mai mo i tatou i lenei tala, o'i latou o lo'o sili ona o tatou tuulafoaina, o'i latou o lo'o sili ona tatou vaai maualalo i ai, o'i latou ua sili ona tatou le amanaiaina, o'i latou o lo'o sili ona tatou feita i ai, o'i latou nei le au uso e, o lo'o le mafai ona ave'eseina ai le ALOFA tunoa ole Atua e pei ona afio mai ai lona Alo e toatasi, of Iesu Keriso lava lea. E pei lava fo'i o Iesu, na afio mai, ae na te'enaina fo'i o ia e ona lava tagata.

Po'o ua e sauni e te lua talatala ma lou Uso?

Po'o ua e sauni e faalelei ma faamagalo i lou uso tagata ua leva ona lua masesei, inoino ma ita i ai ona o ni ona leaga?

E faapefea ona fai?

Ioe le au uso e ma le tatou au faitau. E mafai ona toe fesootai e ala i le loto faamaualalo ma le faamagalo, faasolomuli le ita, ae faamaualuga le Alofa. Amata e oe ma a'u se galuega sili ona lelei e toe a'oa'oina.

Manatua le aoaoga a Keriso e uiga i le Faamagalo. " Ou te le fai atu e 7, ae ia faafitugafilu ni fitu." Ole maualuga lena ole pa ua aumai e Iesu mo i tatou uma lana fanau e ao ina tatou savavali ai. Aua o ia lava fo'i, UA SOLOIA PA VAELOTO.

Aua "E leai se tuaoi ole Alofa faaola o Iesu mo i tatou uma.

Ia manuia tele ona o Keriso

Vaueli & Veronika Tuitolova'a

AFIGA CARDINAL JOHN DEW



15 Setema 2022

Ia iā te outou uma le filemū.

Ua tatou fa’alogo i le tele o fa’amatalaga nai aso talu ai nei ma o le a tatou fa’alogo i le tala e uiga i le olaga o le Masiofo o Elisapeta II. Mai le taimi na fa’ailoa mai ai lona maliu ua tele ni tala ua fa’amatalaina e uiga iā te ia – o lona olaga o le auunaga ma le tu’utoina i tiute – le tulaga o se tama’ita’i i lona 21 o tausaga na fa’apea mai ai o lona olaga atoa pe umi pe pu’upu’u e tu’uto i le auuna atu i ona tagata.

Ua talanoa tagata e uiga i lona malosi ma le loto tele. Ua tatou fa’alogo e uiga i ana faigamalaga faigatā ma le mana’omia ma galuega fuafuaina ma e le’i musu lava e tu’ua nei tiute sa mana’omiaina ai o ia. O mea uma ua fa’amatalaina e uiga iā ia, e lua mea e tu mai i ou luma, o lona manatu pea mo le tiute ma lona tu’utō i le Atua.

I le tausaga 2016 o le Sosaiete o le Tusi Pa’ia i Niu Sila na lolomiina se tusi matagofie ua fa’aigoaina **“O le Masiofo Au’auna ma le Tupu o lo’o ia ‘au’auna atu i ai”** (*The Servant Queen and the King she serves*). Sa tu’uina mai se kopi mo a’u ma o lena taimi na manatua ma mafaufau ai fa’apea, **“se aso o le a maliu ai le Masiofo, ma e masalomia e tatau ona fai sa’u tala e uiga iā ia, ma o lenei tusi o le a fesoasoani tele i ai.”** Ua matuā fesoasoani tele i le malamalamaina o lenei fafine maoa’e.

Na iloaina lelei e le Masiofo Elisapeta o Iesu Keriso o le Pule o Tupu ma Masiofo o le lalolagi. O ia o le Masiofo a Peretania, o Niu Sila ma isi atunu’u, ae sa ia iloaina fo’i o ia o le Masiofo ‘Au’auna ma o ia e ‘au’auna atu ia Keriso le Tupu.

2

Ou te iloaina o nei tausaga e tele o lana nofoa’iga sa fesiligia po o le a le leolilo mo lona tagata ofoofogia ma le amio tumau ma lana sao uiga ‘ese ia Peretania, Malō Aufa’atasi ma fa’apopotoga i le lalolagi. Sa ia talia le fesili e ia lava ina ua ia fa’apea mai:

Ou te iloaina le tele o lo’o fa’amoemoe i lo’u fa’atuatuaga e ta’ita’ia a’u i taimi lelei ma taimi e lē lelei. O aso ta’itasi o se amataga fou. Ou te iloaina pau le auala e ola ai lo’u nei ola o le faia o mea e tatau, ma faia le va’ai mamao, avatu le mafai i le atoaga ua aumai e aso ta’itasi ma tu’u atu lau fa’atuatuaga i le Atua...ua ou maua mai le malosi mai le fe’au o le fa’amomeoe a le evagelia Kerisiano.”

E mafai ona maua mai le fa’aosofiaga mo tatou mai nei upu...o le va’ai i aso ta’itasi o se amataga fou, o le iloaina na pau le ala e ola ai o le taumafai e faia le mea tonu, avatu atoa o tatou mafai i mea uma ua aumai e le aso ma tu’u atu o tatou fa’atuatuaga i le Atua.

O le soifuaga a le Masiofo e le’i uiga iā ia lava. E le masalomia o lona fa’atuatuaga iā Iesu na fa’atonutonu ai lona olaga ma galuega ma o upu sa masani ona taulata ai mai le Tusi Pa’ia ua aumai ai se va’aiga i lona soifua na ola ai mo isi. Sa masani ona fa’aogā le fa’ata’oto o le Samalia Agalelei ma na fa’apea mai i se taimi ua tuana’i: **“O le tala i le Samaria Agalelei ua fa’amanatu mai iā i tatou a tatou tiute i o tatou tuā’oi. E tatau ona tatou taumafai e mulimulita’i i fa’atonuga manino a Keriso i le fa’ai’uga o le tala – “Inā alu ia, ma ia e fa’apea ona fai.”**

Ua ou mautinoaina o le Masiofo o Elisapeta na fa’afouina lona taumaūga i se olaga o le tautua ma tu’utō i tiute fai so’o, i le tulaga ‘ese’ese, masani ona taulāina iā Keriso. E fa’apena fo’i mo tatou uma; o tatou uma e tofua ma taumaūga, o le to’atele o olaga umi o fa’apoipoiga, ositaulaga, aiga, olaga fa’alelotu e mana’omia ai lenā talanoaga i aso ta’itasi o le loto o se vaega o tatou olaga o ni tagata e mulimuli iā Iesu.

I le isi o ana fe’au o le Kilisimasi, o le Tupu Tama’ita’i o Elisapeta sa fa’apea mai:

“E to’atele o le a fa’aosofiaina i a’oa’oga fa’atauva’a ae malosi: alofa i le Atua ma lou tuā’oi e pei o ‘oe lava – i se isi fa’aupuga, fai i isi e pei ona e mana’o ia i latou e fai ia te ‘oe. O lana fa’amamafa tele o le avatu o le fa’aleagaga se mafu’aga fa’aletino. Talu mai lana fe’au fa’atauva’a o le alofa ua liua ai le lalolagi. Ua ia fa’aalia mai iā i tatou e uiga i tagata ma mea latou te faia, e telē lona afaina ma e suia ai.

AFIGA CARDINAL JOHN DEW

O a tatou Papatisoga ma Kofilimasio ua fa'atumuina i tatou e le mana a le Agaga a Keriso. O le Agaga ua aumaia iā i tatou le fa'aleagaga o le mafua'aga fa'aletino i o tatou olaga, ua mafai ai e tatou e ala atu i lo tatou alofa ma 'au'aunaga ona liliu le lalolagi, ma le iloaina o la tatou olaga fa'atusi-pa'ia ua maua ai suiga po o le a lava o tatou matutua po tulaga o tatou olaga.

O lea ua sauni atu mo le fa'au'uina o Alfred Tong e avea ma ositaulaga ma faia ai lana taumauga mo lona olaga atoa. Fa'amolemole tatalo mo ia.

15 Setema –

Mo Ositaulaga, Ta'ita'i Fa'alafulemū, Ta'ita'i o Fa'apotopotoga ma Ekalesia, Pule o A'oga

Ole fa'ai'uga a le mālō i le aso Gafua e fa'amuta le Fa'ava'a Puipuia o le KOVITI o lona uiga ua mafai ona toe amata faiga masani sa taofia talu ai.

Komunio i faiga e lua ua mafai ona toe fa'aauuina nei

Komunio ile laulaufaiva ua mafai ona maua. Fa'amolemole e fa'amanatu i tagata palisi le faiga sa'o o le taliaina ole komunio i le laulaufaiva, e tatau ona aumai i fafo le laulaufaiva ae lē na o le tatala o le fofoga. Ositaulaga ma Auaunaga o le Eukalisitia e lē tatau ona tu'u atu o latou tama'ima'ilima i le fofoga o se tagata. O tagata o lo'o taliaina le komunio i le laulaufaiva e tatau ona fa'amulimuli mai ona o mafua'aga mo le saogalemū fa'asoifua maloloina.

E leai se feso'ota'iga i le Fa'ailogaina o le Filemū. E tatau ona ma'ale'ale tagata palisi iā i latou e manana'o na o le fa'ailoa o isi ae lē o le fa'atalofa i lima.

ufimata ua lē toe mana'omiaina mo ositaulaga ma fa'apotopotoga i taimi o Misasa. E tu'u atu i Palisi ta'itasi pe manana'o e faia pea ufimata e latou e tufatufaina le Komunio.

le vaisā ua mafai nei ona mauaina i le faitoto'a o le falesā, ae ia suia i aso uma.

A ave le kominio i tagata mama'i o latou o lo'o fa'atinoa lenei 'au'aunaga e tatatu pea ona faia ufimata ona o le a fa'atasi atu iā i latou o lo'o mama'i pe o ni tagata matutua.

Fa'amolemole fautua atu i tagata palisi o le fa'amagaloina i le lē auai i Misasa i aso Sa ua ave'eseina. O tagata e afaina i le au atu i Misasa ona o ni tulaga tau fa'ama'i po latou e faigatā ona o ni a'afiaga fa'aletino e fa'amanatuina e mafai ona latou faia ni fa'ai'uga e uiga i le 'au ai i Misasa e fa'avae i luga o a latou saogalemū ma le mafai.

Fa'amolemole fa'auau pea le fa'aeteete ma le tausisi i tulaga o le tausiga o le saogalemū ma le soifua maloloina i taimi o Misasa, fa'aauau ona fa'amamā ma fa'aauau nisi o fa'aeteetega e puipuia ai le fa'asalalauina o le fa'ama'i, ae lē na o le KOVITI. O tapula'a na tatou ola mai ai o ni vaega o le puipui o le tasi i le isi ma le mata'itū i mana'oga o isi iā tatou fa'apotopotoga. O nei taimi atonu o ni taimi o le popolega mo nisi, ua le mautonu pe 'au atu i Misasa e aunoa ma ni ufimata ma isi faiga o le saogalemū.

Ma fa'amanuiaga uma lava

+Ioane

15 Setema 2022

Fa'atalofa atu ia outou Ositaulaga ma Ta'ita'i o Palisi

I le ave'eseina ai o puipuiga uma o le Koviti – 19 talu ai nei matou te fiafia e fa'aauau atu le vala'aulia mo Katoliko uma lava i Aotearoa Niu Sila ina ia toe fo'i i le 'auai atoatoa i Misasa i aso Sa.

Sa tatou ola mai ai i ni taimi faigatā talu mai Mati o le 2020, a'afia ai ma ni ma'i ogaoga ma masina o le tapunia na mafua ona o a tatou popolega mo latou e vaivai ma a'afia gofie. Ua tatou aumaia puipuiga masani faigatā ma le tatau ma le fa'aeteete ina ia maua pea le saogalemū ma le soifua maloloina lelei o a tatou fa'apotopotoga, aiga, fale faigaluega ma palisi.

I nei taimi atoa o la tatou mafutaga vāvālalata ma Iesu Keriso na lagolagosua tele iā i tatou ma ua tatou fa'aauau ai ona tatalo fa'atasi i ni auala fou ma foafoaga ua a'afia ai tusitusiga i nusipepa. Ae ui i lea, sa tatou fa'anaunau mole taimi tatou te toe faitaulaga fa'atasi ai. I nai masina talu ai sa fa'ateleina ona mafai ona faia lenei ma i le ave'eseina o puipuiga uma ua tatou fa'afulale mai Katoliko

AFIOGA CARDINAL JOHN DEW

uma o Aotearoa ina ia toe fo'i i Misasa i aso ta'itasi o le vaiaso ma Misasa i aso Sa.

A tatou talanoa i le ta'utinoga Katoliko i Misasa i Aso Sa o se noataga, e lē o se fa'ae'eina o se Tulafono mai fafo ae o se fa'aaliga o se fa'anaunauga a se loto e maloloina lelei. A o aumai ia i tatou se fa'amalieina taūa e galuega ma manuia a le lalolagi, o tatou o Katoliko ua iloaina le lē mautonu ua fa'amanatu mai ai iā i tatou ua na o le Atua e mafai ona aumaia le loloto o le filemū fa'alalolagi ma le atoaga o lo'o tatou sa'ili i ai.

Tatou te fa'afaiilele ma tofo i lenei vafeagai ai ma Iesu Keriso, o ia o le Atua – ma i tatou i o tatou olaga o tatalo ma maitauina o lenei e tosiga so'o i tatou i le Eukalisitia i le aso Sa e mai le taimi o ulua'i Kerisiano sa fa'aailoga o le feiloa'iga ma Keriso e lē mafai ona tatou ola e aunoa ma lea vaega.

E to'atele i tatou e manatuaina se taimi ua tuana'i o le fa'atinoga o le Noataga mo le Aso Sa o se avega mamafa, e masani ona fa'aosofiaina e le mata'u. I le leai ai o lea mata'u, ua tatou maua ni avanoa fou e fa'amaopo mai ai le mealofa a Keriso o le Eukalisitia o se mea ua filifilia i le sa'olotoga, ua tufa atu ai i tatou mo ni mafua'aga ona o ni fa'ama'i po o nisi tulaga ua faigata ai ona 'au ai.

A ua amata ona toe fo'i le to'atele i Misasa i nei vaiaso i le uma ai o malologa o le Koviti, o nei taimi o le ave'eseina o tapula'a ua maua ai se avanoa lē 'aumaua mo isi sa lē mauaina Misasa i tausaga e tele. Afai e te silafiaina se tasi e lē o mautinoaina e uiga i le toe fo'i i Misasa atonu e te ofoina atu e fa'asoa ma i latou. Afai e te mana'omia sē lua te fa'atasi atu i lou toe fo'i atu, aua ne'i fa'atali ae vala'u se uō ma faia le la'asaga muamua fa'atasi.

Matou te fa'aogaina lenei avanoa e fa'amanatu i fa'apotopotoga Katoliko uma o le Misasa o le fa'atumutumuga lea o le feiloa'iga Fa'alalolagi nei ma Iesu ma sa masani ona faia e tatou tua'ā lenei faigataulaga ina ia 'au ai i nei faiga i vaiaso ta'itasi o lo'o mafai ona tatou mauaina atotoa.

I le ave'eseina ai o noanoataga o le Koviti – 19 e le malō, o noanoataga e uiga i Misasa ua ave'esea nei. O le tualuga mo fa'apotopotoga palisi o le fuafuaina po o a suiga e uiga i Misasa e tataua ona ave'ese. E tu'u atu lava i fa'apotopotoga palisi e fuafuaina ni suiga ua latou manana'o e fai, ae ia fa'aauau pea le va'aiga iā i latou e 'afia gofie ma vaivai. E taūa fo'i le

manatuaina, e ui i lea, o le ave'eseina o puipuiiga o le Koviti – 19 e lē ave'eseina ai le fa'amata'u o le pisia e le fa'ama'i o le Koviti – 19 po isi fa'ama'i. O le mea lea matou te talosagaina ai fa'apotopotoga uma lava ma suli o fa'apotopotoga ina ia mataala i le tausisi i tapula'a ma tu'utu'uga ua tataua ai i le fa'aauauina ole puipuiiga o latou ua vaivai ma a'afia gofie.

A o tatou sauniuni atu mo le taliaina o le Kominio Pa'ia, ua tatou maitauina le vala'aulia e ulufale atu i le fa'atasiga ma le Ali'i Toetu ma isi. Tatou te fesiligia le uiga o tatou loto a o tatou manatuaina a'oa'oga matagofie a Sagato Sililo o lē i le fa'ai'uga o le seneturi lona tolu na tusia e fa'apea: "A e aga'i atu...ia avea lou lima tauagavale o se nofoali'i mo lou lima taumataua, ona o le mulimuli e talia le Tupu." A o tatou talia le Tupu ia avea o tatou lima o lima o fa'amanuiaga ma 'au'aunaga i o tatou uso ma tuafafine.

Matou te fia avea lenei avanoa e fa'afetai atu iā outou uma, fa'apotopotoga Katoliko o Aotearoa, mo la outou onosa'i, o a outou taumauga fa'atuatua ma le alofa i tausaga e lua ma le afa ua tuana'i. O ni taimi mo a'oa'oga mo tatou uma a o tatou va'aia o tatou mana'oga e alofa atu mo latou e lē lava le malosi.

O le tualuga lava, tatou te patipatia le avanoa ua tu'uina mai tatou te mauaina ai fa'amanuiaga fou ma kalasia o le patipatia o le Eukalisitia i aso Sa e aunoa ma lea, tatou te lē maua le ola.

+ Ioane, Katinale Akiepipoko Ueligitona ma le Ta'ita'i Fa'aaposetolo Palmerston North ma le Peresetene o le Koneferenisi a Epikopo Aotearoa Niu Sila

+ Michael Dooley, Epikopo Dunedin

+Michael Gielen, Epikopo Christchurch

+ Stephen Lowe, Epikopo Aukelani, Ta'ita'i Fa'aaposetolo Pule'aga Hamilton, Sui Peresetene ma le Failautusi Koneferenisi a Epikopo Aotearoa Niu Sila.

+ Paul Martin SM, Akiepipoko Lagolago i Ueligitone

APOAPOA'IGA FAA-APOSETOLO A LE TAMA PAIA POPE FALANISISI

(FAALILIUINA FALANISISI ANAMANI)

APOAPOA'IGA FAA-APOSETOLO I LE MAE'A O LE SINOTI

CHRISTUS VIVIT – O LOO SOIFUA KERISO

A LE TAMA PAIA

FALANISISI

MO TUPULAGA TALAVOU MA LE NUU ATOA UMA O LE ATUA

1. O loo soifua Keriso! O Ia o lo tatou faamoemoe, ma i se auala matagofie o loo Ia aumaia tupulaga talavou i lo tatou lalolagi, ma o mea uma na te pa'i atu i ai ua avea ma mea fou o se olaga faafouina. O upu tomua nei, ou te fiasia e ta'u atu i Kerisiano talavou ta'itasi: O loo soifua Keriso ma e finagalo o ia, ia e ola!
2. O loo i totonu ia te oe, o loo faatasi o Ia ma oe ma e na te le tuulafoaina lava oe. Pe o le a lava le mamao e te ono se ese ai, e iai pea lava o ia iina, o Lè na Toetu mai. O loo valaau o ia iā te oe ma o loo faatalitali mo oe ina ia e toe foi mai ia te ia ma toe amata. Pe a e lagona ua e matua ona o le faanoanoa, ita poo le fefe, faalotolotolua pe o le toilalo, o le a i ai pea o ia iina e toe faafouina lou malosi ma lou faamoemoe.
3. Faatasi ai ma faaunautu'iga o le alofa, ou te tuuina atu lenei Apoapoa'iga Faa-Aposetolo i tupulaga talavou Kerisiano uma. Ua fuafuaina e faamanatu atu ai ia te oe o talitonuga patino e mafua mai i lo tatou Faatuatua.
Ma i lea lava taimi e tasi, e ao ina ia faalototeleina oe ina ia e ola tuputupua'e i se olaga faapa'iaina ma se ta'utinoga e patino i lou valaauina. Ae talu ai ona o se vaega o se faagasologa faa-sinoti, ua faapea foi ona ou talanoaina lenei feau tãua i le Nu'u uma o le Atua, atoa ma Faifeau ma le au Faatuatua, talu ai ua lu'itauina ma una'ia i tatou ina ia toe mafaufau i e talavou ma mo i latou e talavou. O le mea lea o le a ou talanoa tuu sa'o ai i tupulaga talavou i nisi nofoaga, ae o nisi nofoaga o le a ou fautuaina ai se iloiloga lautele mo se fautuaga poo se iloiloga a le Ekalesia.
4. Ua ou loto malie i le faaosofiaina o a'u i le tamaoa'iga o mafaufauga se'i mavae atu nei. E le mafai ona ou tuufaatasia uma ii saofaga o manatu, ae mafai ona e faitau i ai i faamaumauga nei i Pepa Mulimuli. E ui lava ina tusia lenei tusi ae sa ou taumafai e otooto mai talosaga na sa ou manatu e sili ona tãua. O lenei auala, o le a avea ai a'u upu ma si'uleo o leo e tele o le au Faatuatua o le lalolagi uma, o è na faailoaina mai o latou manatu i le Sinoti. O tupulaga talavou na e le o ni tagata e faatuatua, peita'i sa naunau ina ia faailoa o latou manatu, ma lagã matãupu ua ta'ita'i ina ai a'u ina ia fesiligia ni fesili fou.

5

O LE A SE MEA O FAI MAI AI AFIOGA A LE ATUA FAATATAU I TUPULAGA TALAVOU?

5. Tatou taula'i i nisi vaega o le tamãoaiga o Tusitusiga Pa'ia, ona e talu ai e masani ina talanoa faatatau i tupulaga talavou, ma vaega e faalatalata mai ai le Alii e fetaia'i ma i latou.

I LE FEAGAIGA TUAI

6. I se vaitaimi a'o le'i manatu maualuga ai i tupulaga talavou, o nisi o tusitusiga sa faaaliga ai le ese o le silasila a le Atua ia i latou. O se faata'ita'iga o Iosefa, o ia o se tasi e la'ititi i lona aiga (37:2 – 3), peita'i sa faaali i ai e le Atua ni mea tetele i ni miti ma ina ua tusa ma le lua sefulu ona tausaga na sili atu o ia i ona uso uma e uiga i matãupu sili ona tãua (*Kenese 37-47*).
7. I Kitona, sa tatou vaaia le faamaoni o tagata talavou, o ē e lēmasani i le faaufiufi o le mea moni. Ina ua ta'ua o loo faatasi le Alii ma ia, na ia tali atu: "*Afai ua ia i matou le Alii, se a le mea ua oo mai ai ia mea uma ia te i matou?*" (*Faamasino 6:13*)
8. Sa le'i to'atama'i le Atua i lenā faaaliga, ae faaauau lona faapea atu ia te ia: "*Alu ia oe i lenei lou malosi, e te laveaina Isaraelu*" (*Faamasino 6:14*).
8. O Samuelu o se tama talavou la'ititi lava, ae na fetalai le Alii ia te ia. Faafetai i le fautuaga a se ta-

gata matua, sa tatala atu lona loto e lagona ai le valaau a le Atua: “*Fetalai mai ia, le Alii e, auā o loo faalogologo atu lau auauna*” (1 Samuelu 3: 9-10). O lona taunuuga na avea ai o ia ma perofeta iloga sa faufautua i taimi faigata i le tala faasolopito a lona nuu. Sa talavou foi le Tupu o Saulo ina ua valaau le Alii ia te ia e fai lana galuega (1 Samuelu 9:2).

9. O le Tupu o Tavita na filifilia a o la'ititi o ia. A'o saili e le perofeta o Samuelu se tupu fou mo Isaraelu, sa ofoina mai e se tasi tagata ona atalii e matutua ma agavaa e fai i ai le filifiliga. Peita'i na fai atu i ai le perofeta, o lè ua filifilia o le tama la'ititi o Tavita, o lè o loo tausii le lafu mamoe (1 Samuelu 16:6-13), “*auā e vaai tagata i le tino, a e vaai le Alii i le loto*” (16:7). O le mamalu o le talavou o loo i le loto, e sili atu nai lo le malosi faaletino pe o lagona o loo faaali atu i isi.
10. O Solomona, ina ua tatau ona sui tulaga i lona tamā, sa ia lagona le leiloa o se mea ma faapea atu i le Atua: “*O a'u foi o le tama itiiti, ou te le iloa ona ulufafo ma ulufale*” (1 Tupu 3:7). Peita'i ane, o le lototele o le talavou na faagaetia ai o ia e fesili i le Atua mo le atamai ma sa ia tuuina atu o ia lava i lana galuega. E faapea foi se mea na tupu i le perofeta o Ieremia, na valaauina i lona talavou e fafagu i ona tagata. O lona fefe, na ia fai atu ai: “*Aue, le Alii e le Atua, faauta, ou te le iloa ona tautala, auā o a'u o le tama itiiti*” (Ieremia 1:6). Peita'i ane, na fetalai le Alii ia te ia, e aua nei tautala faapea (Ieremia 1:7) ma toe fetalai atu: “*Aua e te fefe ia te i latou, auā ou te iā te oe e lavea'i ia te oe*” (Ieremia 1:8). O faanaunauga o le perofeta o Ieremia i lana galuega poo lona valaauina o loo faaaliala ai le mea e mafai ona tupu pe a fesoota'i le loto malosi o le talavou ma le mana o le Atua.
11. O se tasi auauna teine Iutaia a le ta'ita'iau a Naamanu na faatoga atu ma le faatuatua ma fesoasoani ina ia faamaloloina o ia i lona ma'i (2 Tupu 5:2-6). O le tama'ita'i talavou o Ruta o se faaa'oa'oga o le agalelei, e ala i lona nofonono i tafatafa o le tinā o lona to'aluina ina ua oo mai taimi faigatā (Ruta 1:1-18), peita'i sa ia faaaliala foi le loto tele i le aga'i i luma o le olaga (Ruta 4: 1-17). (**E faia pea**)

O LE PESE A LE 'AU'AUNA (FA'AAUAU MAI LE LOMIGA TALU AI)

I NASARETA MA I LE MALUMALU

Sa latou toe fo'i atu i Kalilaia i le la'ua 'a'ai o Nasareta. Ua tupu le tama, ma ua malosi lona loto, ua tumu i le poto; ua iā te ia fo'i le alofa o le Atua' (Luka 2: 39 – 40).

Na ta'ita'iina e le Atua Iosefo ma Maria e aumai le tamaitiiti mai le nu'u o le fa'aunu'ua i Kalilaia, le vaega pito sili ona maualalo o Isaraelu. O i'ina, i le fale o tatalo i Nasareta, na tuputupu a'e ai Iesu. Ua fa'aailoa mai e le tusi Evagelia le tagata moni o Iesu. E pei o isi tamaiti, na tuputupu a'e Iesu, ae e lē pei o isi, ua tumu o ia i le atamai ma susulu mai ai le kalasia a le Atua. Sa fesoasoani Maria i le tuputupu a'e o Iesu i le malamalama, i le mafai ona savali, tautala, tali atu i tagata ma le tauave o fa'aailoga masani o le alofa, le sa'olotoga fausia a Iesu. I lenei piriota o le tuputupu a'e, o Maria, e le'i masalomia, sa a'afia i se avanoa fa'amatafaioi. E pei o se fa'ata mamā ua atagia mai ai le alofa; o ia fa'atasi ma Iosefo, o le na peseina le pese a le 'Au'auna ma o lona olaga o se fa'amatalaga aupito sili le manaia e uiga ia i latou. A o tuputupu a'e Iesu i aso ta'itasi, ua atili malamalama o ia i lenei perofetaga matagofie. O lona fa'apa'iaina e va'aia le agalelei o Iesu, le tu'ufua o lona olaga – tatalo, le agalelei i le fesoasoani atu i isi.

O lenei o se faiga masani a ona matua le malaga atu i Ieruselema i tausaga ta'itasi mo le tausamiga o le Paseka; ma ina ua sefululua tausaga o Iesu, sa latou faia se malagasā e pei ona masani ai. Ina ua mae'a le vaitau o le fiafia ma aga'i atu i le aiga, sa nofo ai lava le tamaitiiti o Iesu i Ieruselema. Sa le'i iloaina e ona matua lenei mea, ae sa mafaufau o lo'o fa'atasi o ia ma le au malagasā ma fa'aauau ai pea le la malaga mo le aso atoa, ma na fa'atoā amata ai ona su'eina o ia i ana uō ma aiga. Ona la te le'i mauaina o ia, na toe fo'i atu i Ieruselema e su'e iā te ia ma i le mae'a o aso e tolu na la maua o ia i totonu o le malumalu, si'osi'omia e le au a'oa'o, fa'alologologo iā i latou ma avatu i ai fesili; ma o latou uma na fa'alogologo iā te ia ua maofa i lona atamai ma tali sa ia tu'uina atu. Na ofo ona matua i le

O LE PESE A LE 'AU'AUNA (FA'AAUAU MAI LE LOMIGA TALU AI)

va'ia o ia i lea nofoaga ma na fai atu lona tinā, “La'u tama e, se a le mea ua e fa'apea mai ai iā te i ma'ua? Fa'auta, o i maua ma lou tamā sa ma sa'ili lava iā te oe ma le tigā.” “Se a ea le mea na oulua saili mai ai iā te a'u? Lua te le iloa 'ea e tataou ona ou i le fale o lo'u Tamā”? A ua le lagona e i laua le upu ua fai mai ai o ia iā te i la'ua. Ua latou o ifo ma i la'ua, ua o'o i Nasareta, ua 'ana'ana o ia iā te i la'ua; a o lona tinā ua taofi ia mea uma i lona loto. Ua tupu le potu ma le tino o Iesu, ua alofagia o ia e le Atua atoa ma tagata' (Luka 2: 41 – 52).

O le mea na tupu i le malumalu o se perofetaga sili: o le tu'uaiga o Keriso, le malagasā, mai lona aiga o se amataga. E aofia ai le te'i ma le popolevale. Se'ia taunu'u i lenā taimi, o Maria ma Iosefo sa iloina Iesu i se fa'amoemoega fa'akalasia iā i la'ua ma le fa'amoemoe iā i la'ua. E molimauina e le'i faia e ia se mea e aunoa ma le silafiaina e ona matua. A o lenei, ua fa'afuase'ia, ona ia fa'ailoa lana misiona, e aofia ai puapuagā ma le fa'alogoga loloto mo se malaga atu e Maria. O lenei mea na tupu ua mua'i fa'ata mai ai le taimi o le a tu'ua ai e Iesu lona aiga i Nasareta ma alu atu ai mo le fasefulu aso i le toafa, ma na mulimuli mai ai na avea ma malagasa o se evagelia ola i Kalilaia ma Iutaia. O le perofetaga na alu atu i tua atu o lona tu'ua'iga: *e tolu aso na tumu i le tigā ma popolega; ua fa'ailoa mai ai aso e tolu i le va o le maliu o Iesu i luga o le koluse ma lona toetu.*

O lenei tusitusiga fa'atusi pa'ia e taūa tele. O le taimi muamua ua tatou fa'alogoga ai iā Iesu ua vala'au le Atua Silisili'ese, “Tamā” (ma ua lē na o se fa'amatalaga laua'itele), ua fai mai, “Lo'u Tamā e.” O se fa'aaliga loloto o le va feagai a Iesu ma le Tasi na auina maia o ia. O se upu ua togitogiga o ia lava i le tele o taimi i lo se isi lava i mafaufau a le Ekalesia i seneturi e tele.

O lenei upu a Iesu na tautala ai i le uma ai o le vavae'eseina mai ia Maria ma Iosefo, ua fa'ailoa mai ai le aiga fou, le aiga atoa ua fa'aolaina ua fa'avae lea i le vafeagai ai uiga'ese a Iesu o Nasareta i le Itutamā a le Atua. O le upu, “Ava, Tamā”, o le upu mulimuli na tautala ai Iesu i luga o le koluse. O tagata Isaraelu uma e fa'auma lona aso i se tatalo ia Iova: Lo'u Tamā e, ou te tu'uina atu lo'u nei agaga i 'ou 'a'ao! O le fou e le'i fa'alogoina, e ui i lea, o luga o le koluse na fa'aopopo e Iesu le upu lenei, 'Tamā'. Ua ia fa'aalia o ia o se Tamā o tagata uma. O se tafa'ilagi fou atoa ua tatala mai i le tala'aga o le fa'aolataga ma le Ali'i

toetu ua tautala ia Maria Matalena ua fa'amanino lelei mai ai le tulaga o le aiga fou, 'lo'u Tamā ma lou Tamā'. Ae le'i si'itia i le lagi sa ia folafola maia le Agaga Pa'ia ua toe fa'asino i lenā igoa uiga 'ese o le Tamā: *Fa'auta fo'i, ou te auina mai iā te outou lē na folafolaina e lo'u Tamā; a ia outou nonofo i le 'a'ai, se'ia fa'aofuina outou i le mana mai lugā* (Luka 24: 49).

O le sau o le Agaga Pa'ia i luga o le au aposetolo na fa'apotopoto fa'atasi ma Maria o le a avatua le ola i le aiga fou na folafolaina fa'aperofeta i mea na tutupu i le malumalu ina ua fa'aalia e Iesu lana va feagai ai ma le Silisili'ese i le taimi muamua i le sefululua o ona tausaga. O le aiga fou a le Atua o le a i ai o ia lava i so'o se vaega o le tala'aga i nofoaga ua fa'aosofiaina ai tagata e le Agaga Pa'ia ma maitauina ai i latou lava o ni atali'i ma afafine a le Atua. 'Ua tatou maua le Agaga o tamafai ua mafai ai ona tatou vala'au atu ai, “*Ava, le Tamā e!*” (Roma 8: 14 – 15).

O Maria le tinā o Iesu o Nasareta ua vala'auina e ulufale atu i se fua o le malamalama. O lana matafaioi ua sili atu: o le a avea o ia ma tinā o le Ekalesia; ua i ai lana matafaioi fa'atinā i le aiga fou a le Atua ua fa'avae i luga o le vafeagai ai a Iesu i lona Tamā fa'alelagi ma le Agaga Pa'ia. O Maria e malosi i le fa'atuatua ma ua fa'atumuina i le alofa fa'atinā, ola ai i le latalata ia Iesu ae o ia fo'i o lo'o savalia le po pogisā o le fa'atuatua. E ui i lona mamā atoatoa ma le amio pulea, sa le'i mafai ona malamalama i le loloto atoatoa o mea na tutupu fa'apea upu a Iesu. Ae ui i lea, o mea uma e uiga iā ia, faia ma tautala ai o se tatalo o le a fa'aalia e Iesu iā te ia le misitelio ma le uiga o upu ua tautala ai i lenei mea ua tupu. Sa ia teuina lelei ana upu i lona loto se'ia malamalama atoatoa i ai.

I olaga a Iesu ma Maria e leai se avaoa mo mea ua tatou ta'ua 'talanoaga'. Iā i la'ua e leai se fa'apologo o le agasala, ae o la'ua fo'i e ola i le tulafono o le tuputupu a'e. E matagofie i le mataupu e tasi na fa'alua ona fa'amamafa mai o Iesu maoa'e i le atamai ma na alofagia e le Atua ma le tagata. E taūa fo'i lenei mo le Ekalesia, i lana fa'asolosolo malie ona u'umau lana misiona ma i taumafaiga o lo'o faia pea i le fa'amatalaina o fa'ailoga o taimi.

Matou te fa'afetai atu, Tamā, Tamā a lo matou Ali'i Iesu Keriso

Ma lo matou Tamā,

I le malumalu ua e fa'aalia ai le atamai a lou Alo, Iesu.

O LE PESE A LE 'AU'AUNA (FA'AAUUAU MAI LE LOMIGA TALU AI)

E le lava la matou fa'afetai iā te oe mo le tala fiafia o lo'o i ai ma matou, se Uso ua mafai ona vala'au ia te oe ma le aiā tatau atoatoa, 'Lo'u Tamā', ma lē ua fa'aagava'a ai i matou e vala'au iā te oe, 'Lo Matou Tamā'. Le Ali'i e, lo matou Tamā, fa'apa'ia ia i matou, faia i matou ia tasi i lou alofa.

Matou te fa'afetai atu iā te oe Maria, mo lou tausiga fa'atinā ia Iesu lo matou Uso ma Ali'i.

Ua mafatia i matou i tigā ma mafatiaga a lou loto i lenā mea na tupu na perofetaina na fa'ailoa mai ai aso e tolu o mafatiaga i le mae'a o le maliu a lou Alo, Iesu Keriso. Tatalo mo matou ina ia matou teuina upu a Iesu i o matou loto e pei ona e faia ma ia matou onosa'i ma fa'atuatua iā matou taumafai-ga masani e taunu'u i se malamalama'aga loloto i upu a Iesu ma le iloatino o fa'ailoga o taimi. Ame-ne...*fa'auau pea...*

TATALONA O LE 'SIOUALOFA MARIA': FA'AALOALONA O MARIA O LE TINĀ O LE ATUA, E AUNOA MA LE FA'AITIITIA O LONA ITŪ TAGATA.

Maria, le fa'atusa o le fa'atuatua ma le Tina o le Atua

O le Kapite a le Ekalesia Katoliko ua fa'apea mai o Maria o le 'fa'atusa lelei atoatoa' o le fa'atuatua ua mauaina mai ia Apera'amo. Ma e fa'amamafaina fo'i o le olaga o Maria ua mauaina mai ai se fa'ata'ita'iga lelei o le fa'atuatua ua fa'atasi ai ma Apera'amo.

Ina ua taliaina fuafuaga a le Atua mo ia e pei ona fa'aalia e le Ali'i, na tu'ua e Apera'amo lona lava atunu'u, ona aiga ma le fale o lona tamā ma alu atu i le nu'u e leai sona malamalama'aga i ai (Kenese 12: 1). Ise faiga lava fa'apea e tasi, ina ua ia talia le finagalo o le Atua mo ia i le Fa'aaliga, na alu atu Maria. Muamua, sa ia malaga atu i le nu'u i le mauga o Iutaia e asiasi ia Elisapeta. O lana malaga lona lua ma toe alu ai fo'i i Iutaia ina ia resitala i Petele'ema, ma mai lenā vaega, ua fa'amatala mai e Mataio ia i tatou na alu atu Maria i Aikupito (se nu'u e lē masani ai) ae le'i toe fo'i i Kalilaia (Mataio 2: 13 – 23).

E ui i le faigatā ma le lamatia o nei faigamalaga a o tauave le ma'i fa'apea le fa'amata'u o le fasiotia o lo'o atagia mai i luga o lana pepe, ae ua ia faia i le vavae'eseina o se vaega mai lona olaga sa masani ai. Ina ua ia talia e ave ma tinā i se tulaga e leai se fa'aipoipoiga, ua la'a i fafo atu o fa'atulagaga o aiga fa'apateliaka, na maua i ai le puipuiga ma le saogalemū, ma na foliga mai ua ia aumaia ma se avanoa o le a māasiasi ai o ia lava ma lona aiga. O se fa'atinoga uiga 'ese lenei o le fa'atuatua; o se la'asaga mata'utia i se lalolagi e lē mailoa. E pei o Apera'amo i se uiga fa'afa'ailoga ma le moni, sa ia alu atu i le nu'u sa leai sona malamalama'aga i ai.

O le olaga la o Maria e pei o lea ua aumai ai se fa'ata'ita'iga lelei atoatoa i le olaga o le fa'atuatua, olaina o se tagata e ola atoatoa i se taimi fa'apitoa i le tala'aga. Fa'apea fo'i ua fa'amamaluina Maria e le Ekalesia Katoliko o le Tinā o le Atua. I le Fonotaga i Efeso i le tausaga 431 sa fa'ailoaina aloa'ia ai o ia o le *Theotokos*, o lona uiga *Tauavaeina - le Atua*: na fanauina mai le Atua. O le Alo o Maria o Iesu o le a fa'ailoaina o se tagata e mamana atoatoa, 'na tō i le Agaga Pa'ia', fanauina fa'atala'aga mausalī, o se tagata fafine atoatoa. Ina ua fanau mai Iesu e Maria, o le Upu (le Atua e Fa'avavau) ua ave ma tino.

O le fa'avae atoa lava o le Liutino Tagata o le a leai sona fa'avae pe ana fa'apea e lē o se tagata atoatoa Maria. E le nofo fa'atasi ma i tatou le Atua e tasi ma i tatou. Ona sau ai lea ma le fesili pe fa'apefea i a'oa'oga a le Ekalesia ia Maria ona malamalamaina. O le a lona uiga, mo se fa'ata'ita'iga, o le fai mai o Maria na tō e aunoa ma le agasala tu'ufa'asolo? E tatau ona tatou tomanatu pe fa'apefea ona tatou aga'i atu i le a'oa'oga o le Ma'itaga Imakulata a Maria, ma fuafuaina pe fa'apefea ona tatalo elemene 'ese'ese o le 'Losalio' fa'amamaluina o ia o le Tinā o le Atua e aunoa ma le ave'eseina mai o ia mai le moni o lona olaga i lenei lalolagi.

Maria, e tumu i le kalasia, ma la tatou tuafafine.

E aunoa ma le vavae'eseina mai o Maria ma i tatou, o lenei ua aumaia fa'alatalata mai ia i tatou. Ona o foafoaga a le Atua, fa'akalasiaina mai le amataga o le lalolagi, o tatou o tagata ua fa'amealofaina e

TATALONA O LE 'SIOUALOFA MARIA': FA'AALOALOINA O MARIA O LE TINĀ O LE ATUA, E AUNOA MA LE FA'AITIITIA O LONA ITŪ TAGATA.

le Agaga Pa'ia i le papatisoga. O le Agaga lava lea e tasi na ola ai iā Maria ua ola ai iā i tatou. Ae o lenei moni ua ufiufiina e le anoanoa'i o tusitusiga ta'uta'ua e uiga ia Maria ua vavae'eseina mai ai o ia ma i tatou.

I le fa'ai'uga o le seneturi talu ai, le anoanoa'i o le au atamamai o le itupā o tama'ita'i ua fa'aalia o latou manatu i auala na faia ai e le au faitelosia mai le amataga ua fa'ailoa lo latou itū fa'aletagata ma le mamana i le fa'aleagaina o fafine. O a'oa'o e uiga ia Maria ua fa'ateteleina ai le tulaga lea.

E taūa mo la tatou fa'atusa o Maria o ia o se fafine moni lava. O Kerisiano i nisi o taimi ua manatu o Iesu o se tagata ua sili atu le pa'ia ua tatou manatu i ai, ae ua sili atu le pa'ia, sili atu le atoatoa ona fausia e le Agaga Pa'ia. E le o se fa'atusa atoatoa lelei lea o Iesu, ona ua le i ai se amiotonu i lona mamana atoa, ae o se auala lelei e manatu ai e uiga ia Maria. O Maria ua tumu i le mealofa o le Agaga lava lea e tasi o lo'o aumau i totonu o tatou. Ua feagai nei i tatou ma le fesili lava lea e tasi na tu'uina atu e Paulo i tagata o le ekalesia i Korinito, "Tou te le iloa ea, o lo *outou* tino o le malumalu lea o le Agaga Pa'ia ua i totonu iā te outou?" (1 Korinito: 6: 19). O lona uiga e mafai ona tatou mafaufau ia Maria o se tuafafine, o se fa'amuamua i sagato uma.

Ua vala'auina i tatou e avea ma sagato. O lenei moni o tatou papatisoga ua le manofa lelei ai tagata. Ua fa'aeaea e le Ekalesia o tatou fa'amamaluina o ni tagata pa'ia o ni tagata uiga 'ese, ua i le lagi, o latou olaga i le lalolagi nei na 'ese mai ai ma tatou. Ae a tatou faitau i le Feagai Fou, e leai se isi ua maliu ua ta'ua o se sagato. Na talanoa atu Paulo i lana tusi i Kolose, 'I le au pa'ia i Kolose, o le au uso fa'amaoni fo'i o iā Keriso (Kolose 1: 2). E fa'apea fo'i le fa'afeiloa'iga ua maua i isi tusi (Roma 16: 2; 16: 15; 2 Korinito 1: 1; Epifania 1: 1). O sagato o latou ia ua papatisoina ia Keriso.

O lenei a'oa'oga fa'apea o sagato o latou ia ua papatisoina ia Keriso, na toe fa'amatala mai e le Fonotaga a le Vatikano II i lana Fa'avae i le Ekalesia, *Luman gentium 40*, i le mataupu ua ta'ua 'O le Vala'au Laua'itele i le Pa'iaga':

O latou e mulimuli iā Keriso...ua avea ma atali'i ma afafine o le Atua i le Papatisoga o le fa'atuatua ma latou ua taumamafa i le natura mamana ma ua fa'apa'iaina moni. E tatau la ona taofiofi ma fa'alelei ai o latou olaga i lenā pa'iaga ua latou taliaina mai le Atua. Ua fa'atonuina i latou e le apusetolo ina ia ola ai 'e pei ona tatau i ē ua pa'ia' (Efeso 5: 3).

E pei ona fai mai se tasi o faia'oga, o le fa'apotopotoga o tagata pa'ia ua fa'amaopo maia latou ua ola ma mānava i le taimi nei fa'atasi ai ma latou ua fai malaga atu i le ola e fa'avavau. E mafai ona tatou mafaufauina Maria o se tasi o ulua'i fa'atasi ai ma tagata pa'ia, ona o lea e pei o se tuafafine po o se uso.

O a'oa'oga a le Ekalesia ua lagolagoina le manatu o Maria, fa'apea lona va'aiga maoa'e i lona pa'iaga, fa'apea le tu 'ese mai ai ma i tatou, ma le taimi lava fo'i lea fa'atasi ai ma i tatou: O le tinā o le Fa'aola...ua iloa atu ma fa'atasi ma le au matitiva ma le au loto maualalo a le Ali'i, o lē ua fa'amoemoe ma le mafanafana mo le fa'aolataga ua mauaina mai ia te ia.

E *iloa atu* Maria fa'atasi ma tagata matitiva ma latou e loto maualalo a le Ali'i. Ua tutū *fa'atasi* o ia ma le au matitiva ma latou e loto maualalo. Ona o Maria ua fa'alavelave mo tatou, ona ua ia fa'ailoa atu a tatou talosaga i lona Alo, e manatu e va'aia o ia o talosaga atu i se nofoaga i le va o i tatou ma le Atua; ona o Maria o se tasi moni o tatou. O lo'o fa'atasi mai Maria ma i tatou o se tuafafine po o se uso ma ona o lea tulaga e tatalo mo i tatou.

Talosia i matou tagata agasala

O le olaga i le fa'atuatua i nisi o taimi ua aumai e le Feagaiga Fou o se tū'uga e tatau ona tatou tamomo'e ai. O le tusi lona lua a Paulo ia Timoteo o lo'o fa'apea mai, 'Ua i'u ia te au le tausinioga, ua ou taofi i le fa'atuatua (2 Timoteo 4: 7). O le tusi i Eperu ua fa'apea, 'O lenei o i tatou fo'i, o lo'o ua vagavagaia e le fa'apotopotoga o e matamata mai e fa'apea ona toatele, inā tatou tu'u 'ese ia o mea mamafa uma, atoa ma le agasala e fa'alavelave gofie ai i tatou, iā tatou taufetuli ma le onosa'i i le ala tanu o i o tatou luma (Eperu 12: 1).

O le tatalo 'Siualofa Maria' e lua vaega o lo'o i ai: muamua fa'amamaluina o Maria o sē ua 'tumu i le kalasia', manuia i fafine uma', 'le tinā o le Atua', lona lua o le atu i ai e 'tatalo mo tatou,' o ni taga-

TATALONA O LE 'SIOUALOFA MARIA': FA'AALOLOINA O MARIA O LE TINĀ O LE ATUA, E AUNOA MA LE FA'AITIITIA O LONA ITŪ TAGATA.

ta agasala.

Ua tatou iloa e tatalo Maria mo i tatou. Ua fa'aalia mai e le Evagelia a Luka le fatu o tatalo a Maria. I lenā alaga uiga 'ese o le fiafia ua tatou fa'aigoaina o le Pese a Maria (Luka 1: 46 – 55), ua pese mai Maria i se leo fa'aperofeta, i le fa'afetaimolia mo le auina mai o tatou o ni tagata. Fa'aleoina mai ai o le pese a Hana i le tusi muamua a Samuelu (1 Samuelu 2: 1 – 10), ua alaga mai Maria o le alofa o le Atua e mai lea 'augatupulaga i lea augatupulaga', 'ua fagaina e ia i mea lelei ē sa fia 'a'ai', 'ua fa'aeaina e ia o ē fa'amaualalo', fa'asa'olotoina mai noataga a latou ua fa'asauaina. O le moni lenei ua sau i la tatou lalolagi ina ua fanau mai Iesu e Maria. E pei ona i ai o 'vaega' nei o tatalo a Maria, na tataloina e Maria i le 'ele'ele nei ma o lenei ua tataloina i le lagi. A o tatou talosaga atu ia Maria e fa'atasi mai ia tatou tatalo, e tatau fo'i ona tatou fa'atasi atu ma ia i ana tatalo. O tatou manatu e tatau mo latou ua fia 'a'ai, latou ua matitiva ma mafatia ma mea fa'apena.

O tatou lava o tagata soifua

A tatou tu'uina atu le tulaga fa'aletagata i le soifua a Maria e fa'aitiitia ia tatou tapua'iga, e fa'apea fo'i o tatou tulaga fa'aletagata o le a fa'aitiitia i le olaga o le fa'atuatua. Ina ua avea le upu ma tino, o le afio ai mamana i lenei lalolagi na sau e fa'ataunu'u atoatoa; o lenei lalolagi lava ia na taliaina le folafolaga o le fa'apaiaina (Kolose 1: 15 – 25). Ua le toe i ai le fa'aolataga o le agaga o le tagata e ala i le te'ea o le tino fa'alelalolagi o se pi'opi'o mai totonu, ae o lo'o tumau pea le maumaututū a le ami-oatua Kerisiano.

10

Sa le'i mafai e Aukusitino ona 'alo'ese mai ni mau e lua ma na a'oa'o atu e ala i le feusua'iga e pei ona pisia e le tu'inaanu na pasia mai ai le agasala tu'ufa'asolo mai augatupulaga i augatupulaga. Mo lenei mafua'aga, o le Ma'itaga Imakulata ua fa'auiga sesēina e fa'aanu'ua ai le vaega atoa o le olaga o Maria mai le fa'aleagaina o fiafiaga o le fa'atinoga o feusua'iga.

A tatou sa'ili mo le amataga o a'oa'oga o le Ma'itaga Imakulata, tatou te mana'omiaina ona tatou toe fo'i i tua atu o Aukusitino i le Evagelia a Iakopo (*protoevangelium Iacobi*) o se tusitusiga mai le oga-totonu o le seneturi lona lua, na te'ea e lē o se tusitusiga fa'akanone ina ua fa'atulaga fa'akanone Tusitusiga Pa'ia. O ni su'esu'ega talu ai nei na fa'aalia ai nisi o sulufaga e fa i le ta'amilosaga fa'asauniga o latou amataga na mai le *protoevangelium*. Fa'atasi ai ma le Ma'itaga Imakulata, o lo'o i ai le sulufaga a Ioakimo ma Ana, le fanau mai o Maria ma lona molimoliga i le Malumalu.

O le molimau mai a le protoevangelium o Maria na soifua mai i le malumalu mai le tolu o ona tau-saga se'ia atoa le sefululua, ina ua tu'ua e ia le malumalu, ina ia fa'aitiitia le otaota o le nofoaga pa'ia. Ua aumai ai ma se fa'amatalaga mai se tasi o fafine fa'atosaga na fa'amaonia ai ona tumau pea le tulaga taupou o Maria i le mae'a ai ona fanau mai le pepe, i faiga o upu na fa'aleo mai ai upu a Tomasi, o lē sa masalomia le tala o le Keriso Toetū se'ia pa'i lona tama'ilima i manu'aga a Iesu.

E pei ona fai mai se tasi o faia'oga: E pei ona aumai e le talatu'u o le taupou o Maria i le *partu* ma le *post* (i le fanau mai ma le mae'a o le fanau mai) ua ulufale atu i fa'amatalaga o fale fa'aputu'oa a le Ekalesia. Ua a'afia ai olaga o fafine talu mai le liliu atu ia Maria i se tulaga taufafine e lē mafai ona ausia e 'a'ano – ma le- toto o fafine e pei ona tatou masani ai.

Mo le tulaga o le amio tonu o tatou o ni tagata soifua, ua faia i le paiaga e ala i le Liutino, e taūa o lenei manatu fa'avavega o fafine ua maua ai o tatou manatu se auala mo le tagata atoatoa o Maria pa'ia, le Tinā o le Atua.

SAGATA MAKERITA MARIA ALACOQUE

TAUPOU (1647 – 1690)

O Makerita Maria na filifilia e Keriso e fa'aosofiaina le Ekalesia i se iloaina ole alofa o le Atua ua fa'ailogaina e le loto o Iesu.

O ona tausaga muamua na fa'ailogaina e le fa'ama'i ma se tulaga tigā tele i le aiga. “O la'u koluse ua sili atu le mamafa o le lē mafai lea ona faia se mea e fa'amāmā ai le koluse e puapuagā ai lo'u tinā.” I le mae'a ai o le filifiliga mo se fa'aipoipoiga mo sina taimi, sa ulufale atu i le tofi taupousā o le Ituaiga o Asiasiga i le 24 o ona tausaga.

O se taupousa mai le Ituaiga 'e lē tulaga 'ese vaganā o se tulaga masani,' ae o lenei taupousa talavou e lē fiafia i lenei lē fa'aioaina. O se tasi o novise (se faitio malosi) na fa'atulagaina Makerita e agamalū, fa'atauva'a toe fa'amaoni, ae fa'asilisili lava i mea uma e alofa ma onosa'i i le tele o faitioga ma fa'asa'osa'oga. E le mafai ona metitasio i auala masani ua fuafuaina, e ui sa ia taumafai e tu'ua ana tatalo masani o le 'fa'atauva'a'. E filemū, faifai malie ma e pei e fa'avalevalea, sa fa'atonuina e fesoasaoni i se tasi sa va'aia se falema'i e tumu i le malosi.

I le aso 27 o Tesema 1674 ua tolu ai tausaga talu ona avea ma Taupousa, sa ia talia lana ulua'i fa'aaliga. Ua ia lagonaina ua 'teu fa'afaigaluegaina' o ia i le afio ai o le Atua, e ui e masani ona mata'u i le fa'aseseina o ia lava i ni mataupu fa'apenei. O le talosaga a Keriso ina ia fa'amaonia lona alofa mo le tagata e ala atu iā te ia. I le 13 o masina na mulimuli mai ai, sa fa'aali so'o Keriso iā te ia. O lona loto fa'aletagata ia avea o se fa'ailoga o lona alofa mamana – tagata. I lona ia lava alofa ia faia ai se leleiga mo le leai o se alofa ma se fa'afetai a le lalolagi – i le talia so'o o le Komunio Pa'ia, aemaise i aso Faraile muamua o masina ta'itasi, ma se itula o leoleoga ma tatalo i po o aso Tofi uma e fa'amanatu ai ona puapuagā ma le fa'aanu'ua i Ketesemane. Sa ia talosaga fo'i ia fa'avaeina se sulufaga o le toe fa'aleleiga.

11

E pei o sagato uma, o Makerita sa fa'asalaina ona o lana mealofa o le pa'iaga. O nisi ona ia lava uso sa leaga iā te ia. O le au fai Telosia sa vala'auina na folafola o mea na va'aia o ni fa'asesega ma fa'apea mai o lenei teine e tataua ona 'ai lelei. Mulimuli ane o matua o tamaiti sa ia a'oa'oina ua tu'ua'ia o ia o se tagata pepelo, o se tagata e lē masani i ni mea fou. O le fai kofesio fou, Claude de la Colombiere, o se tasi o le ituaiga o Iesu, ua maitauina lona moni ma lagolago tele i ai. I le feagai atu ma lona te'ega tele, na vala'auina e Keriso ia avea ma se tasi mo faigataulaga mo ona uso, ma ia faia lenei ina ia iloa.

I le mae'a ona avea ma novise ma sui ta'ita'i, na maliu o ia i le 43 o ona tausaga a o fa'apa'iaina. “Ou te le mana'omia se isi mea ae na o le Atua, ma tu'u atu o a'u nei i le loto o Iesu.”

AMOINA O LA TATOU KOLUSE

O le mafua'aga o puapuagatia ina ia a'oa'oina ai i tatou, i taimi mulimuli faigatā, ua leai ma se isi alofaga ua na o le fa'amoemoe mo se pi'itaga i le Atua, ina ia fa'amalosi i tatou e tu'u atu uma o tatou fa'ananauga iā te ia. A umi se tigā ua o'o atu i se tulaga ua le mafai ona ave'ese mai ai o tatou mafaufau, ua mafatia tele ua alu atoa i ai o tatou va'ai, ona tataua lea ona ave'eseina lea o tatou manatu ae mo sina taimi ua ita pe taumafai e taofiofi i le alofa. O faiga a lo tatou Ali'i e fa'avavau.

TUSI FA'A-APOSETOLO - *DESIDERIO DESIDERAVI*
A LE TAMĀ PA'IA - FALANISISI
MO EPIKOPŌ, FAIFE'AU MA TĪĀKONO, MO ALĪ'I MA TAMA'ITA'I FA'AU'UINA
MA LE AU FA'ATUATUA UMA E UIGA ILE TAPENAINA OLE SOIFUA TAPUA'I
O FANAU A LE ATUA (Fa'aliliuina—Lauano A. Ilaoa)

*Desiderio desideravi
hoc Pascha manducare vobiscum,
antequam patiar* (Lk 22:15)

Fa'aauau mai ile lomiga o Setema)

Ole vaega lona lua lenei ole fa'aliliuina ole Tusi Fa'a-Aposetolo mai lana Afioga ile Tupusā ia Pope Falanisisi, e pei ona amata mai ile lomiga ole masina o Setema 2022.

12. O le taimi muamua na tatou maua ai lana talisuaga ole Paseka, ole sauniga lea e fa'aailoga ai le soifua o tagata uma e talitonu ia te Ia: o lo tatou Papatisoga. E le o se talitonuga ua mausali i lona finagalo, pe fa'apea ua malilie ma ioe i se poloa'iga na Ia tu'uina mai. A e ole mea moni lava, ole a tatou lotolotoi i ona puapuaga, ma lona maliu, aemaise o lona toetu ma lona toe afio a'e ile lagi, ole tatou lotolotoi i totonu o lana talisuaga ole Paseka. O togafiti fa'ataulaitu, ole fa'afeagai lea ole agaga atoa o sakalameta, aua, o togafiti faataulaitu e fa'afoliga e iai sona malosiaga i luga ole Atua, ma ole mafuaaga lea e fa'apogai ai mai lē tau Fa'aosooso. I le fa'aauauina ai ole Liutinotagata ole Alii, ua tuuina mai ai iā i tatou, e auala ile auai ma le fesoasoani a le Agaga Paia, le mafai ona tatou feoti ma toe tutū mai ia Keriso.

13. O se mea lava e maofa ma ootia ai ile tulaga ua mafai ai ia mea. Ole tatala mo le fa'apaiaina ole vai[3],ua faailoa manino mai ai ia tatou, na faia e le Atua le vai mo le fa'amoemoe e fa'aogaina i papatisoga. O le uiga moni o lea tulaga, ole taimi na faia ai e le Atua le vai, sa iai lona finagalo mo le Papatisoga o tatou uma ta'itoatasi, ma olea lava finagalo sa ia te Ia, ile taimi atoa o ana gaoiga ile tala faasolopito ole fa'aolataga i taimi uma taitasi, sa ia fa'aogaina ai le vai mo lana galuega fa'aola. E foliga mai ina ua maea ona Ia faia le vai, sa iai lona finagalo ina ia saga fa'aleleia atili e auala ile avea ole vai ma vai ole Papatisoga. E pei ole mafua'aga lea sa Ia finagalo ai ina ia fa'atumulia le vai i lona Agaga Pia lea sa fa'apepe i luga a'e ole vai (Ken 1:2), ina ia aofia ai i totonu le mana e fa'apaiaina ai. Sa ia fa'aogaina foi le vai e toe fa'afouina ai le tagata e auala ile lolo tele (Ken 6:1-9,29). Sa ia fa'atonotonuina lelei, e pei ona tu'u'ese'eseina ma vaeluaina ole Sami Ulaula ma tatalaina ai le ala ole sa'olotoga (Es 14). Sa ia fa'apaiaina foi le vai i Ioritana ile lafoa'iina iai ole tino ole Upu ua vaisausauina ile Agaga Paia.(Mat 3:13-17): Mar 1:9-11: Luk 3:21-22). Na faaiu i lona tuufa'atsia ma le toto o lona Alo, le meaalofa ole Agaga Paia ua tuufaatasia ma le meaalofa ole soifua ma le maliu ole Tama'i Mamoe ua fasia mo i tatou, ma puna mai ai i lona itu le vai mo tatou. (Ioa 19:34). O le vai lona o lea ua fa'amamaina ai i tatou uma, ina ia avea lona mana e mafai ai ona avea i tatou ma vaega o le Tino o Keriso ma siitia faatasi ai tatou ma Ia ile ola e fa'avavau (Rom 6: 1-11).

O le Ekalesia: Sakalameta ole Tino o Keriso

14. E pei ona fa'amanatu mai mo tatou e le Vatikano II ([Vatican Council II](#)), ma fa'amauiina ile (cf. [Sacrosanctum Concilium](#), n. 5), ole tolaulauina o tusitusiga paia, e Tama ole Ekalesia, ae fa'apea le Fa'asologa o Sauniga Lotu ma Tapuaiga – o poutu o A'oa'oga ma Tu ma Aga Masani a le Eklesia – o le itu o le Alii o Keriso ao moe ile moe ole oti i luga ole koluse na mapuna mai ai ma maua le “sakalameta ofoofogia ole Ekalesia aoao” [4]. E matuā mata'utia le tulaga fa'atusatusa ole Atamu muamua ma le Atamu lona lua: auā ole itu o Atamu muamua, ina ua uma ona fa'amoe o ia e le Atua, na ia toesea ai lona ivi 'aso'aso ma fausia ai Eva, e fa'apea foi le itū o le Atamu fou, ao' moe o ia ile moe ole oti i luga ole koluse, na fanau mai ai le Eva fou, o le Ekalesia lea. Atonu o le mea tatou te maofa ai e maua mai lea i upu tatou te manatu na fai e le Atamu fou a o silasila atu o Ia ile Ekalesia: “E ui ina umi, ae o le ivi lenei o o'u ivi ma le a'ano lenei o lo'u tino” (Ken 2: 23). Ona o lo tatou tali-tonuga i lana Upu ma lo tatou o ifo ile vai ole Papatisoga, ua avea ai tatou ma ivi o ona ivi ma a'ano o lona tino .

15. A aunoa ma le tuufaatasiga lenei, e le mafai ona maua le atoaga o le ola tapuai ile Atua. O le mea

TUSI FA'A-APOSETOLO - *DESIDERIO DESIDERAVI*
A LE TAMĀ PA'IA - FALANISISI
MO EPIKOPŌ, FAIFE'AU MA TI'ĀKONO, MO ALI'I MA TAMA'ITA'I FA'AU'UINA
MA LE AU FA'ATUATUA UMA E UIGA ILE TAPENAINA OLE SOIFUA TAPUA'I
O FANAU A LE ATUA

moni lava, e na ole tasi a le ituaiga o tapuaiga e ato'ato'a ma fialia iai le Tama, ole usitai lea ole Atali'i, o lea na fua i lona maliu fa'alava'au i luga ole satauro. E na ole pau le auala e mafai ai ona auai ma patipatia lana taulaga ole avefa ma "atalii ole Alo ole Atua." O le meaalofo lea ua o tatou talia ina. Ole autū ma le agaga atoa e pei ona fa'atino ile Tapuaiga, e na ole Ekalesia lava a Keriso, le Tino Paia o Keriso.

O le uiga fa'atelosia ole Tapuaiga.

16. E onomea ona tatou fa'afetaia le Fono Aoaole Ekalesia (Council) – atoa ai ma le fa'atulagana sa iai le faiga o tapuaiga na muamua atu – ona ole mafai ona toe maua mai ole malamalama fa'atelosia o le Tapuaiga, ma lona taūa ile olaga ole Ekalesia. O faiga faaae e pei ona fa'amatalaina auili'ili ile [Sacrosanctum Concilium](#), o vaega autū ia mo teuteuga ua faia nei ile faiga o tapuaiga a le lotu, ma o loo avefa pea ma autū ile fa'alau'iteleina atu, ma le ato'ato'a, ole patipatia (cf. [Sacrosanctum Concilium](#), nn. 11; 14), i totonu o tapuaiga, ole "mafua'aga ma le pogai e le ma suia, o loo maua mai ai e le au fa'atua le mana ma le uiga moni ole fa'a-Kerisiano" ([Sacrosanctum Concilium](#), n. 14). O lenei tusi, ua ou vala'auina ai le Ekalesia Aoaole, ina ia toe sa'ili'ili ina ia toe maua mai, ma ia puipuia malu, ma ia soifua ile mea moni ma le mana o sauniga Kerisiano. O se fa'amaua ia te a'u, ina ia aua nei afaina le matagofie o le patipati o sauniga Kerisiano ma ona vaega taitasi uma mo le soifuaga ole Ekalesia, i ni faiga fa'ata'eta'ealuga ua fa'aititia ai le malamalama'aga o lona taūa, ae sili ona le manuia, pe afai e fa'aaogaina i ni sauniga a nisi talitonuga. Ole tatalo fa'a-ositaulaga a Iesu ile taimi ole Talisuga Mulimuli ile avefa o tagata uma ma tino e tasi (Ioa 17:21), ua fa'amasinoina ai o tatou fe'ese'ese'iga uma, ile li'o ole Falaoa ua vaevaaina, ma le siosiomaga ole *sakalameta ole agaalofo, ole fa'aailoga ole mafutaga e tasi, ile agaga fefa'amāgaloa'i.*

Ole Tapua'iga: ole vaila'au mo le 'o'ona o talitonuga fa'alelalolagi

17. E tele taimi ua ou ta'ua ai le mata'utia o fa'aosoosoga e ono lamatia ai le soifua lelei ole Ekalesia, ona o mea ua ou fa'aigoaina o "talitonuga fa'alelalolagi." Sa fa'aumiumi ona ou tautalaga lea vaega, ile tusitusiga ole [Evangelii gaudium](#) (nn. 93- 97), lea na ou taua fa'apitoa ai talitonuga e ta'ua ole *Gnosticism* ma le *neo-Pelagianism*, o ni faiga se lua e feso'ota'i lelei ma mafua mai ai "talitonuga fa'alelalolagi"

Ole vaega muamua, ua fa'aititia ai le fa'atutua fa'a-Kerisiano i se uiga fa'aletagata lea e "mafua ai ona saisaitia le tagata i totonu o ona lava manatu ma mafaua ma lagona" (EG 94). Ole vaega e lua ua soloia ai le matafaioi ole kalasia ae "ua agai atu ai fa'aletino ma le manatu fa'apito, ua le faia ai le galuega fa'a-evagelia, ae ua fa'atusatusa ma faavasega e le isi tagata le tasi tagata, ae ua le tatalaina ai le faitoto'a mo le kalasia o fa'amanuia, ae ua alu le malosi ile sailia o se fa'amaoniga ma uiga vaava'aivale." T(EG 94)

O uiga ia ma talitonuga Kerisiano ua fenumia'i, e mafai ona tutupu mai ai fa'afitauli ogaoga e afaina ma lamatia ai le soifuaga masani ole Ekalesia.

18. Ole vaega e pei ona ou ta'ua luga, ua manino mai ai, ole Tapua'iga ma lona fa'asologa, ole vaila'au aupito aoga lea e faasagatau ai i mea 'o'ona nei. O le uiga moni lava, o lo'o o'u tautala iai, ole Tapuaiga i lona tulaga fa'atelosia, ae le fa'apea ole Tapuaiga e pei ona fa'amautuina mai e Pope Pio XII ([as Pius XII already affirmed](#)), o se fa'asologa o ni sauniga teuteuina lelei ua tuu fa'atasi iai tulafono ma aoga o se talitonuga [6]

19. Afai la ole *Gnosticism* ua tatou afaina ai ile 'o'ona o uiga fa'apito atoa ma manatu fa'aletagata, o lona uiga ole patipatia ole tapuaiga, ua sa'oloto ai i tatou mai le falepuipui o uiga fa'apito ole tagata lava ia i ona manatu ma lagona fa'aletagata. Ole fa'atinoina ole patipatia o le tapua'iga, e le o se meatotino a se tagata e to'atasi, ae o se meatotino a le Ekalesia-a-Keriso, ile atoaga ole au fa'atua ua fa'atua ia Keriso. Ole tapuaiga foi, e le o fa'apea mai "o a'u", ae "o tatou", ma ole fa'atapula'aina ole

TUSI FA'A-APOSETOLO - *DESIDERIO DESIDERAVI*
A LE TAMĀ PA'IA - FALANISISI
MO EPIKOPŌ, FAIFE'AU MA TI'ĀKONO, MO ALI'I MA TAMA'ITA'I FA'AU'UINA
MA LE AU FA'ATUATUA UMA E UIGA ILE TAPENAINA OLE SOIFUA TAPUA'I
O FANAU A LE ATUA

fa'aaogaina “o tatou”, e mautinoa lava o se aga lea fa'atemoni. Ole Tapua'iga foi, e le o tuua ai na o tatou e saili le iloa ole tagata e toatasi ma lona malamalama ile misitelio ole Atua. Ae peitai, e a'apa mai o Ia i o tatou lima o tatou faatasi o se fa'apootopotoga ma taitai atu i tatou i totonu ole misitelio ole a fa'ailoa mai ia tatou e le Upu ma fa'ailoga o sakalameta. E mafai ona fai ia tulaga uma, i faiga ma tulaga masani a le Atua, e mulimulita'i ile auala ole Liutinotagata, e pei o le gagana ma fa'ailoga faaletino lea e aofia ai mea ile vanimonimo ma le taimi.

20. Afai ole vaega e pei ona taua ole *neo-Pelagianism*, ua lofia ai tatou ile manatu ma le lagona i se fa'aolataga e maua ona o a tatou lava galuega, ole patipatia ole tapua'iga e fa'amamaina ai tatou, ma faailoa atu ai le meaalofo ole fa'aolataga e maua mai ile fa'atuatua. O le auai ile patipatia ma le taulaga ole Tapuaiga, e le o se mea patino ia i tatou, pei tatou te talasua ai i luma ole Alii atoa ma uso ma tuafafine. Ole amataga o soo se patipatiga ole tapua'iga e fa'amanatu mai ai poo ai lo'u tagata, e fai mai ai ia te a'u e ta'uta'u a'u agasala, ma vala'auina a'u ina ia fa'atoga atu ile Tina Paia o Maria le taupou pea, le au agelu ma le au sagato uma ma o'u uso ma tuafafine, ina ia tatalo atu ile Alii lo tatou Atua mo a'u. E mautinoa lava, e lē agava'a i tatou e ulufale i lona maota: tatou te mana'omia ana upu ina ia fa'asaina ai tatou (cf. Mat 8:8). E leai se isi o tatou mitamitaga, ua na o le koluse o lo tatou Alii Fa'aola o Iesu Keriso. (cf. Kal 6:14). Ole Tapuaiga e leai sona sootaga ma uiga atoa ma ni faiga togisala. Ole meaalofo ole Misitelio ole Talisuaga Paia ale Alii, pe afai e talia ma le loto maualalo, e fa'afouina ai o tatou olaga. E le maua le agaga atoa ole paiaga ole Alii, seia vagana ole mana o lona finagalo ina ia taumafa faatasi o Ia ma i tatou i lana Paseka: *Desiderio desideravi hoc Pascha manducare vobiscum, antequam patiar* (Luk 22:15).

(E faia pea..)

PUAPUAGATIA, FA'AFETAIMOLIA MA LE LEPELA

Puapuagatia, Fa'afetaimolia ma le Lepela

O le onosa'i Kerisiano ua sau mai se loloto o le fiafia ua lava lona malosi e tauavea ai puapuagatia. O lo tatou Ali'i e le'i mana'o e puapuagatia; sa ia fa'apea mai ae le'i o'o atu i ona puapuaga, “O lo'o ātu nei lo'u loto” (Ioane 12: 27), o se fa'amafanafanaga tele ma fa'amautinoa mo tatou pe a ātu o tatou loto. O le fa'atuatua moni e lē fa'apea tatou te lē fiafia, pe matuā lē fiafia fo'i. O lona uiga i lalo ifo o lea fa'alavelave o lo'o i ai se mea e sili atu lona loloto, e lē o fa'alavelaveina. O le tusi i Eperu (12: 2) ua ta'u maia iā i tatou mo le fiafiaga na fa'atulaga i ona luma na tauaveina ai e lo tatou Ali'i ona puapuagā, ma o le fiafiaga lenei na lagolago iā te ia ma mafai ai mo ia ona fa'apea atu, i se isi manatu, e le'i mana'o e fa'ailoa lona alofa i le faitaulaga iā ia lava i lenei auala, sa mana'ona'o e fa'apa'iaina o ia lava mo ona uso ma tuafafine.

O la tatou faigataulaga o le fa'afetaimolia o le patipatia ma fa'amanatuina o le maliu o Iesu ma mo tatou o le fa'afetaimolia ma puapuaga e auai fa'atasi i se vavalalata mafana. O le mafua'aga lenei i nisi o le au tusitusi ua fa'apea mai ai o se fa'apitoa muamua i le fa'afetaimolia ua faia lea i puapuagatia. Puapuaga e pei ona tatou manatu i ai, o se tofotofoga o la tatou fa'afetaimolia; afai e malosi lelei e onosa'ia, pe a tautalagia fa'aletagata, o mea uma ua leiloa, ona tatou fa'apea o se fa'afetaimolia Kerisiano moni lea.

O Le Nofoga ua Sili le Maualalo

O lo'o manino lelei mai a aumai se nofoaga mulimuli i le laulau, o le a faigatā mo tatou ona taliaina...Ae afai tatou te fa'apea ifo iā i tatou lava: “O lo'o tatou i ai fa'atasi ma Keriso, sa ia filifilia le

PUAPUAGATIA, FA'AFETAIMOLIA MA LE LEPELA

nofoa mulimuli, ona lelei lea o mea uma,” Ua tatou i ai nei i luma o le Tasi o lo tatou ola, o tatou ola ua le toe taūa. Ua tatou tutū i tua ma isi ua fa’apea ona fai ma ua le toe i ai ma se isi ae ua na o ia. O le tulaga lava ia o le iloaina pe na te aveina le nofoaga muamua, ma o le fa’afitauli lenā...

O le tasi ua mana’o e i le atu aluma, o le a mana’o e i le fa’auluuluga o le fa’apotopotoga ma ua fesili iā te ia lava: “O le a le uiga o nei mea?” O lona uiga o le avatu o Keriso i isi. O le mea lea, e i ai se afaina pe ou te i ai i’inei po i’inā. Pau le mea e ao ona tatou faia o le ola ai i lona afio ai ma afai tatou te faia, o lenei Afio ai o le a fa’alogoia e isi.

Ia tatou toe aumaia le fa’afitauli atoa i lenei toe foi mai uiga ‘ese i le afio ai o Keriso: “O lo’o e i ai i’ina le Ali’i” – Ua lava lenā. Ua e latalata mai, le Ali’i e” E leai se isi mea e toe mana’omia.

O Le Malamalama i ou Ala

O le tala ia Na’amanu o se aogā tumau o se fa’atusa fa’aleagaga. O Na’amanu o se tagata lauiloa tele, o se ta’ita’i o le vaega’au a Asuria, o se tagata sa fa’amemelo tele i ai ma masani i le tulaga fa’ata’ita’i. E masalomia e to’atele ni tagata sa va’aia o ia o se toa ta’uta’ua. Ae sa a’afia o ia i le fa’ama’i o le lepela, e le gata o se a’afiaga fa’aletino, ae fa’apea fo’i o se ituiga o sauaga fa’alemafaufau. I le fa’aogaina o le gagana a Sagato Paulo, o se mea mātuitui i le ‘a’ano o le tino.

O tatou uma ua maua i le lepela, e o’o lava i le au ta’uta’ua ma latou ua mata’ina. O lona uiga o tatou uma ua i ai se mea ua fa’aleagaina i tatou, fa’amaāiasia ma fa’alumaina i tatou. Atonu e leai ma se isi e iloaina. I le tulaga a Na’amanu, o le fa’amasinoga tonu lenei na tata’i ai o ia i le Atua. Na sau i le malō o Isaraelu o lona fili ma le loto maualalo, sa’ili le perofeta o Isaia, tofua fa’afitu i le vai i le fa’atonuga a le perofeta (atonu sa va’aia o se fa’avalevlea ia te ia) ma na fa’amaloloina ai o ia.

O lo’o i ai se alagāupu i tu masani fa’aleagaga: o le mea e te sulu ai, ‘eli mo le ‘oa. E masani e lē o mea tatou te ‘ausia, o a tatou mealofa, o a tatou taleni, o a tatou matagofie po o mea ua tatou maua ua ta’ita’ia i tatou i le Atua; e masani o o tatou puapuagatia. A o tatou tomanatu i o tatou fa’ama’i lepela, o le a lava, e tatou te fa’anoanoa i o tatou i’uga, e mafai ona tatou tu’ua’iga le Atua, sasa’a atu i isi i le ita ma le fa’ali’i, pe tatou te va’aia o se faiga o le a aumai ai iā i tatou le Atua.

Ui Atu i le Pa Vāiti

E tolu mea e taofiofia ai le tagata i le tu’uina atu o ia lava i le agasala. O lo’o i ai le mata’u e le gata o ifeli po o tulafono fa’alalolagi nei. O lo’o i ai le fa’amoemoe ma le fa’anaunauga mo le malō o le lagi. Po o lou lava lelei ma le alofa i vituti.

O lo’o i ai le tusitusiga e popole pe fa’apefea i le mata’u ona tuli’ese le tevolo. “O le mata’u i le Ali’i, o le ‘ino’ino lea i le leaga” (Fa’ata’oto 8: 13). O le fa’amoemoe fo’i e tapunia le amataga o le agasala. ‘O latou e fa’amoemoe iā te ia e lē faia le agasala”

O le alofa e le popole i le fa’aleagaina a le agasala ona “e lē uma le alofa” ma “o le alofa e ufiufi ai agasala e tele” (1 Korinito 13: 8; 1 Peteru 4: 8).

Ae le gata i lea o le Aposetolo pa’ia ua ofoina mai o se fa’aupuga o le fa’aolataga le atoaga o nei vituti e tolu. “A o lenei” fai mai ai o ia, “o tumau le fa’atuatua ma le fa’amoemoe ma le alofa, o na mea e tolu; a o le sili o na mea o le alofa” (1 Korinito 13: 13). Ona o le fa’atuatua – ma lona mata’u i le fa’amasinoina ma le fa’asalaga o le a sau – e aumaia le fa’aitiitia o le fa’ama’i o le agasala. O le fa’amoemoe ua aumaia o tatou mafaufau mai mea o le taimi nei ma i lona ‘au ai i taui fa’alelagi ua te’ea fa’anaunauga uma o le tino. Ma o le alofa ua una’ia i tatou e fa’anaunau mo Keriso, ina ia ma’elega mo le fua o vituti fa’aleagaga ma inoino atoatoa o le ā lava ua fa’afeagai i nei vituti.

O nei mea uma e tolu ua aga’i atu i le fa’ai’uga. Ua amia i tatou ina ia taofi mea uma e le fa’atulafonoina. Ae ua ‘ese le tasi mai le isi ia latou fa’ailoga i o latou fa’ailoga silisili. O le lua muamua ua talafeagai mo ali’i o lo’o sa’ili le lelei atoatoa ae e le’i gaiou lava e le fa’anaunauga mo le vituti. O le lona tolu aemaise le uiga o le Atua ma latou ua avea le fa’atusa na le pei o le Atua mo latou lava. Ona ua na o le Atua e lelei, e lē ona o le mata’u po o i le fa’amoemoe mo se taui ae ona o le alofa ma le agalelei.

ASO 2 OKETOPA ASO SA 27 TAUSAGA MASANI:

Faitauga muamua: Sapakuka 1: 2 – 3; 2: 2 – 4.

Matua: O lē ua amio tonu e ola ia i lona fa'atuatua.

Salāmo: 95: 1 – 2 (tali), 6 – 7 (tali), 8 – 9 (tali). Tali: O le aso nei afai tou te fa'alogo i lona si'ufoga, 'aua ne'i fa'ama'a'a o outou loto.

Faitauga lona lua: 2 Timoteo 1: 6 – 8, 13 – 14. Matua: 'Aua e te mā i le molimau i lo tatou Ali'i.

Aleluia, Aleluia...Le Ali'i e, ia e tatalaina o matou loto ia naunau i afioga a lou Alo...Aleluia!

Evagelia: Luka 17: 5 – 10. Matua: Ananafi ua tusa lō outou fa'atuatua.

Tofitofiga o le Upu:

O le loto vaivai o se sini autū lea i faitauga e tolu o le asō. O le perofeta o Sapakuka ua tomumu ma le tigā tele i le Atua e uiga i le sauāina o Ieruselema i le amataga o le fa'aaunu'ua i Papelonía. O Paulo i lana tusi e lua ia Timoteo, ua tusi i lē o lo'o puipui iā te ia ua fa'aloto vaivai i lana 'au'aunaga ma o lea ua atili ai i le fa'afalepuipua o le Aposetolo. Ua fa'asagatau atu so'o a Iesu ia te ia ina ua lagona le faigatā i le mulimuli atu ia te ia, ma 'ai'oi atu i ai mo le fa'ateleina o le fa'atuatua. Ae o le loto vaivai e lē o le i'uga lea pe a folafola le upu a le Atua. Na a'oa'o e Sagato Ikenasio o Loyola o le fa'aloto vaivai e lē sau lea mai le Atua. E lē fa'anaunau le Atua mo tatou e tūtūmau ai pea i tulaga o le loto vaivai. Na lapata'ia e Ikenasio i le faia o fa'ai'uga ma le fa'aeteete pe a maua i le loto vaivai.

16

O faitauga o le asō ua fa'aalia mai ai auala 'ese'ese na sa'ili ai e le Atua e fa'amalosi'au iā i tatou. Ole faitauga lona lua ua vala'uina ai i tatou e va'ai i taimi ua tuana'i, i auala na alofa ma fa'amaoni mai ai le Atua iā i tatou. Ua fa'amanatu e Paulo ia Timoteo le mealofa a le Agaga o le mana ma le alofa ma le lotofuataiafo o lea ua ia taliaina, le mealofa lava lea e tasi na fa'ae'eina mai iā i tatou i o tatou Papatísoga ma le patipatia o sakalameta. O le faitauga muamua ua fa'asino i le lumana'i, e pei ona folafolaina mai e le Atua le fai meatonu ma le filemū o le a manumalō. Ma o upu mulimuli – 'o lē ua amiotonu e ola ia i lona fa'atuatua' – na fa'augaina e Kerisiano anamua o se perofetaga fa'amesia na fa'ataunu'uina e Iesu. O le Atua, ua gaiou e ala i le maliu ma le toetu o Iesu, e fa'atuatuaina e aumaia le galuega o le fa'aolataga i lona fa'ataunu'uga. Mulimuli lava, o le evagelia ua aumaia i tatou i le taimi nei. E ala i le fa'atusa o se 'au'auna o lo'o suaina le fa'ato'aga ma leoleo i mamoe, ua a'oa'o mai Iesu iā i tatou o galuega masani ma le fa'atauva'a, i aso uma e mafai ona avefa ma malae o le alofa ma le 'au'auna atu i le Atua, o lē o lo'o fa'atasi ma i tatou i tagata ma tulaga o tatou olaga. O le olaga o le fa'atuatua e lē o le tuleia o mauga, ae o le sa'iliina ma vivi'i i le Atua i le mafutaga ma mea o lo'o tutupu i o tatou olaga.

ASO 9 OKETOPA ASO SA 28 TAUSAGA MASANI:

Faitauga muamua: 2 Tupu 5: 14 – 17. Matua: Ua fai mai Na'amanu i le tagata o le Atua.

Salāmo: 98: 1 (tali), 2 – 3 (tali), 4 (tali). Tali: Ua fa'ailoa mai e le Ali'i o lana lava fa'aolataga.

FAITAUGA MO LE MASINA O OKETOPA 2022 – TAUSAGA C

Faitauga lona lua: 2 Timoteo 2: 8 – 13. Matua: Pe afai tatou te onosa'i, e fai fo'i i tatou ma tupu fa'atasi ma ia.

Aleluia, Aleluia...Ia fa'apupulaina mata o tatou loto e le Tamā o lō tatou Ali'i o Iesu Keriso, ina ia tatou iloa le uiga o le fa'amoemoe ua i lona vala'au mai...Aleluia!

Evagelia: Luka 17: 11 – 19. Matua: Ua lē iloa 'ea ni ē toe fo'i mai e vivi'i atu i le Atua, na o lenei tagata 'ese?

Tofitofiga o le Upu:

O le evagelia o le asō e foliga mai e fa'a'ole'ole sa'o mai. Ua fa'amaloloina e Iesu lepela e to'asefulu, e to'atasi na toe fo'i mai e fai le 'fa'afetai.' Ona vivi'i lea e Iesu o lenei ali'i mo lona fa'atuatua. Ae e pei ona masani ai iā Luka, e ao ona va'ai ma le fa'aeteete i tusitusiga e maua mai ai ni uiga loloto. O se tasi o fa'amatalaga e lē o molimauiina e le fa'aliliuga i le Igilisi na feiloa'i atu Iesu ma maitauina 'ali'i e to'asefulu ma le lepela' e lē o le to'asefulu lepela. O lona uiga, ua va'ai atu Iesu i tagata na foafoaina i le fa'atusa o le Atua ma tali atu i ai ma le agalelei. Ua fa'aali mai e Luka iā i tatou se vaega manino o le olaga a Iesu ma lana 'au'aunaga. Ae o tagata i le faitauga ua vave ona tusia isi – fa'ata'ita'iga, 'tagata agasala,' 'lē mamā', - ua va'aia e Iesu tagata ua ia feiloa'i atu i ai e mauaina le mamalu o latou e āna ona o latou na foafoaina e lona Tamā agalofa. O le isi mea e ao ona maitauina o Iesu e lē gaioi vave e fa'amaloloina ali'i nei e to'asefulu. Ae sa ia fa'atonuina i latou e fa'a'ailoa atu i latou i se ositaulaga. O le faia e pei ona fa'atonuina e Iesu na iloa ai e le to'asefulu lea ua faia atoatoa i latou. O le tu'uina atu o lo tatou fa'atuatua i upu ma ala a Iesu – e ui tatou te lē masani ona malamalama i ai (fa'ata'ita'iga o ana a'oa'oga e uiga i fili alolofa, o le loto malie e fa'amagalalo, taumafai mo se lelei i le 'au'auna atu i isi) – ma tu'uina i ai se fa'atinoga o le auala lea i se fa'amalologa ma se atoaga. Maitau o se Samaria (e masani ona itagia e tagata Iutaia) o le tasi lea na toe fo'i e avatu le fa'afetai. O lea o lo' o fa'amanatu mai e Luka ia i tatou o mea tau i ituaiga, lanu, va'aiga fa'aletino ma 'oa e lē o ni mea e sili ia ona tāua i le olaga; ae o mea e tāua pe fa'apefea ona tatou tali atu iā Iesu. O le manatu mulimuli mā'ale'ale o le to'aiva sa fa'amaloloina ae le'i toe fo'i mai iā Iesu e masalomia sa i ai se vaega o le fa'atuatua e faia ina ia atoatoa. O le mea lea, ina ua fa'a'ailoa mai e Iesu le Samaria mo lona fa'atuatua ma lona agaga fa'afetai, ua ia a'oa'o le tāua o le fa'afetaimolia i le olaga o le fa'atuatua. E le masalomia le mafua'aga ua tatou potopoto ai i aso Sa uma e patipatia le 'Eukalisitia'!

ASO 16 OKETOPA ASO SA 29 TAUSAGA MASANI:

Faitauga muamua: Esoto 17: 8 – 13. Matua: A si'i i luga e Mose lona lima, ona mālō atu ai lea o Isaraelu.

Salāmo: 121: 1 – 2 (tali), 3 – 4 (tali), 5 – 6 (tali), 7 – 8 (tali). Tali: O lo tatou fesoasoani mai le Ali'i lea, o lē na faia le lagi atoa ma le lalolagi.

Faitauga lona lua: 2 Timotea 3: 14 – 17; 4: 1 – 2. Matua: Ia atoatoa ona lelei le tagata o le Atua, ia saunia lava ia i galuega lelei uma lava.

Aleluia, Aleluia...Ia fa'apupulaina mata o tatou loto e le Tamā o lo tatou Ali'i o Iesu Keriso, ina ia tatou iloa le uiga o le fa'amoemoe ua i lona vala'au mai...Aleluia!

Evagelia: Luka 18: 1 – 8. Matua: Pe lē faia ‘ea e le Atua le fa’amasinoga mo e o lo’o iā te ia?

Tofitofiga o le Upu:

O le evagelia a Luka ua ta’u sa’o ‘o le evagelia o tatalo.’ O le tasi o mafua’aga ona ua aumai e Luka le tele o a’oa’oga a Iesu e uiga i tatalo ma lona taūa i lo isi tusi evagelia. O le tatalo o se mataupu i le fa’ata’oto ua tatou fa’alogologo i ai i le asō ma le aso Sa a sau. O atugaluga a le fa’ata’oto o le asō o le ‘mana’omia ona tatalo so’o e aunoa ma le fa’avaivai.’ O tagata e to’alua o le fa’ata’oto o se fafine ua maliu lana tane ma se fa’amasino. O le filifiliga a Iesu i se fafine ua maliu lana tane o se tagata talosaga e fa’amomoiloto, ona o fafine ua leai ni ta’ito’alua o nisi ia ua sili atu le vaivai ma a’afia gofie i sosaiete. Ua sa’ili mai e le fafine se faimeatonu mai le fa’amasino e lē amiotonu ma ua fa’amatalaina e lē mata’u i le Atua po se isi lava tagata. Ae ui i lea, ona o le fa’atauanau i le sa’ilia o se fai mea tonu mai iā te ia, na loto malie ai le fa’amasino ma avatu se fa’ai’uga e fa’amalieina ai lenei fafine. O le a la se mea ua fa’aalia mai e lenei fa’ata’oto e uiga i tatalo? Ua vala’auina i tatou e fuafuaina pe fa’apefea ona tatou va’aia o ai le Atua. Ua fa’amanino mai e Iesu o le tagata o le Atua ua fa’ailogaina e le alofa, agalelei, ma le onosa’i; ua ia mana’o e aumai iā i tatou o le ola-foa’i moni. O le fa’anaunau a le Atua ia aumai iā i tatou mea ua tatou mana’omiaina, o le tasi lea o mafua’aga tatou te ‘tatalo so’o’ ai. O le fa’atinoga o le tatalo so’o ua fa’amanatu mai iā i tatou o le moni o lo tatou ola ai, o tatou fa’amoemoeaga atoatoa ile Atua. O le tali a le Salāmo ua fa’amatala lelei mai ai lenei moni: O lo tatou fesoasoani mai le Ali’i lea’. O tatalo matutua ua le gata e talosaga atu mo le fesoasoani a le Atua, ae fa’apea ona fa’alogo atu i le Atua. O Sagato Paulo mai le faitauga lona lua, ua talanoa mai le taūa o le Tusi Pa’ia. O se tasi o auala tatou te fa’alogo ai i le Atua o le faitau fa’atatalo ma tomanatu i tusitusiga pa’ia. O le fua o tatalo matua o se aga’i i luma lea i le ‘a’oa’oina o le amiotonu,’ ia fa’aupegaina mo galuega lelei uma. I se fa’aupuga pu’upu’u, o le tatalo e mulimuli ane o le tu’uina atu i le Atua e suia i tatou ina ia avefa o tatou olaga e ‘folafolaina le upu’ i vaitau uma.

ASO 23 OKETOPA ASO SA 30 TAUSAGA MASANI:

Faitauga muamua: Sirako 35: 12 – 14, 16 – 19. Matua: E alu a’e i luga o āo le tatalo a lē fa’amaulalo iā te ia.

Salāmo: 34: 1 – 2 (tali), 16 – 17 (tali), 18, 22 (tali). Tali: E fa’afofoga mai le Ali’i i le tagata ua tigāina.

Faitauga lona lua: 2 Timoteo 4: 6 – 8, 16 – 18. Matua: Ua teuina mo a’u le pale o le amiotonu.

Aleluia, Aleluia... Ua fetalai mai o ia, le Ali’i e, auā o lo’o fa’alogologo atu lau ‘au’auna; o iā te oe upu o le ola e fa’avavau... Aleluia!

Evagelia: Luka 18: 9 – 14. Matua: Ua alu ifo le tagata ao lafoga i lona fale, ua ta’uamiotonuina, ae lē fa’apea le farasaio.

Tofitofiga o le Upu:

Ua fa’aauau ona a’oa’o Iesu e uiga i tatalo i le evagelia o le asō. A o le vaiaso ua tuanai atu sa ia fa’amatalaina le mana’omia ona tatalo so’o, ua ia mata’itū i le uiga tatau ma faiga o tatalo. Sa ia faia i le fa’atusatusaina o ni tagata e to’alua, o se Farasaio – o se suli o se aiga e maualuga lo latou tulaga ma e fa’aalologia fo’i e vaega fa’alelotu sa fa’amaoni i fa’atinoga o saunigā fa’alelotu – ma le ao lafoga – o se tagata e masani ona masalomia e lē fa’amaoni ma itagia ona o ni taupulepulega fa’ananā ma ta’ita’i mai isi nu’u. E pei ona masani ai, o le fa’ata’oto a Iesu ua suia atoa ai fa’amoemoeaga a tagata. O le tatalo a le Farasaio ua fa’aalia o se fa’ata’ita’iga e lē lelei. Maitau o lo’o ia tatalo lava iā ia

lava. E ui sa ia amata i le vala’auina o le suafa o le Atua, o le tatalo a le Farasaio o lona uiga o se litanā o le fa’amalō mo ona vituti ma mea ua ia ausia. O fa’amatalaga ua autū iā ia lava ua foliga mai ai e lē mana’omia le fesoasaoni a le Atua po lona alofa. Ua manatu lava o ia o se amiotonu ua fa’atulaga la e ia o se fa’amasino a amio a le ao lafoga. E le gata ua tatalo lava iā ia lava, a ua faia o ia ina ia pei o le Atua. Ona aumai lea e Iesu le tatalo a le ao lafoga. O lenei tagata ua tu mai ma le agaga maualalo i fafo atu o le malumalu. Ua mata’u e si’i a’e ona mata i le lagi; ae sa tu’itu’i lona fatafata ma fa’ailoa mai lona fa’amaoni lona mana’omia le alofa o le Atua. Na fa’ai’u e Iesu fa’apea o le ao lafoga na fo’i i lona aiga ma le loto tauamiotonuina i le silasila a le Atua. O tatalo moni e aofia ai le tu’uina atu o tatou lava i le afio ai o le Atua, tu’u atu o tatou va’ai iā ia, ma fa’ailoa o tatou mana’oga mo kalasia. O le fa’ata’oto a Iesu o lo’o i ai se vaega tutusa “ua maua oe”. E faigofie ona fa’ate’a i tua le Farasaio. Ae afai ua tatou tautatala, ‘Fa’afetai le Atua ou te lē pei o le Farasaio,’ ua ou agasala e pei o ia! O le manatu o le tagata o ia e amiotonu ma le fa’amasino o ni fa’aosoosoga umi nei mo tagata ua saili e olaina ni olaga lelei ma le tonu. o le fa’atinoga o tatalo fai so’o ua fa’amanatu mai iā i tatou o le Atua o le Atua – ma o tatou e leai. E tatau ona ta’ita’ia i le fa’amaoni ia ‘oe lava ma o le isi, i o tatou fa’amoemoega tele i le Atua.

ASO 30 OKETOPA ASO SA 31 TAUSAGA MASANI:

Faitauga Muamua: Poto 11: 22 – 27; 12: 1 – 2. Matua: Ua e alofa i mea uma lava.

Salāmo: 145: 1 – 2 (tali), 8 – 9 (tali) 10 – 11 (tali), 13 – 14 (tali). Tali: Lo’u Atua e, le Tupu, ‘ou te fa’ane’ene’e iā te oe.

Faitauga lona lua: 2 Tesalonia: 1: 11 – 12. 2: 1 – 2. Matua: Ia vi’ia ona o outou le suafa o lō tatou Ali’i o Iesu Keriso.

Aleluia, Aleluia...Ia outou mataala, auā tou te lē iloa po afea le aso e sau ai lo outou Ali’i...Aleluia!

Evagelia: Luka 19: 1 – 10. Matua: Ua sau le Atali’i o le tagata e sa’ili ma fa’aola i lē na leiloa.

Tofitofiga o le Upu:

O le evagelia ua fa’aosofiaina ni fa’atusa fiafia: o se polosesio ua agai atu i le taulaga; tamomo’e ma fepa’i i la’au; o se aiga fiafia. O le tala a Sakaio e i ai lona vaega fiafia, ona o lo’o i ai se sini matagofie o le sa’ili ma mauaina o le mea e maua ai le ola foa’i. O le tala ua amata i se lapata’iga mata’utia, ae ui i lea, e pei ona lua ni fa’aletonu ia Sakaio. Muamua o ia o se ao lafoga ua itagia, ae le gata i lenā, ae o se ta’ita’i o le au ao lafoga. Lona lua ua fa’amatalaina o ia o se ali’i mau’oa, i le evagelia a Luka ua aumai ai le tele o ituaiga o lapata’iga (e pei ona masani ona lapata’i mai ai le tusi evagelia lona tolu i le lamatia o le fa’aputuina o le ‘oa). Ae ua va’aia se mea fou uiga’ese ia Sakaio. Ina ua ia fa’alogo o lo’o ui a’e Iesu i le ala, sa ia mana’o e va’ai i lenei tagata ua tele mea ua ia fa’alogo i ai. Ae ona o ia o se tagata e pu’upu’u o se tasi o lamatia fa’atasi ai ma le motu o tagata, fa’apea le leai o sona malosi e tulei atu ai sona avanoa. Ua pei o se tamaitiiti i se solo, ua tamo’e atu i luma ma a’e i se la’au ina ia maua se vaega lelei e va’ai atu ai. Sa le va’ai lava Sakaio i lona tulaga fa’asosaiete i lona taumafai ina ia feiloa’i atu ia Iesu. E le’i popole po’o a ni manatu ale motu o tagata. Ma o lana taumafaiga na i’u lelei. E le gata sa va’ai atu Sakaio iā Iesu, ae na vala’auina e Iesu o ia lava i le fale a Sakaio – i le lē fiafia o le motu o tagata. E le gata i lea ae na fa’aogaina e Sakaio le alofa ma le i ai o Iesu e suia ai o ia. Sa ia foa’i atu le afa o ana ‘oa i tagata matitiva, fa’aalia le agalelei mo latou e matitiva na vala’auina ai e Iesu latou sa mulimuli iā te ia e fa’atino. Sa tu’uina atu o ia i le fa’atinoga o le amio tonu ma le fa’amaoni. O Sakaio o se tagata ua suia atoatoa. Ae o lo’o i ai lava le isi vaega ofoofogia fiafia o lo’o fa’atali mai i le fa’ai’uga o le tala. O i’ina ua tatou maua i ai le vaega moni. O Iesu o lē o le moni o lo’o sa’ili. O Iesu o le Leoleo Mamoe Lelei ua vala’auina i tatou e talia le mea moni e maua mai ai le ola. O lo’o tu’itu’i i le faitoto’a o tatou loto



FAITAUGA MO LE ASO SA MUAMUA O OKETOPA

FAITAUGA MO LE ASO SA MUAMUA O NOVEMA

Aso 5 Novema Aso Sa 32 Tausaga Masani: Faitauga Muamua: 2 Makapaio 7: 1 – 2, 9 – 14.
Matua: O le tupu o le lalolagi na te toe fa'atuina i matou i le toe tu o le ola e fa'avavau.

Salamo: 17: 1 (tali), 5 – 6 (tal), 8, 15 (tali). Tali: 'Ou te malie pe a a'u ala ua foliga iā te oe.

Faitauga lona lua: 2 Tesalonia: 2: 16 – 17; 3: 1 – 5. Matua: Ia fa'atumauiina outou i galuega lelei uma ma upu lelei uma.

Aleluia, Aleluia...Ia outou mataala e lē aunoa ma tatalo ina ia tutū i luma o le Ali'i o le tagata...
Aleluia!

Evangelia: Luka 20: 27 – 38. Matua: E lē o le Atua ia o ē ua oti, a o e ola.

| | | | |
|---|----------|---|---|
| Aso Sa muamua | 09.00am | Seatoun | Fr. Denis O'Hagan |
| 2 Oketopa 2022 | 11.00am | Titahi Bay | Leai se Misasa |
| | 11.00am | Porirua | Patele Andrew |
| Aso Sa Lua | | | |
| 9 Oketopa 2022 | 12.00 | Te Awakairangi – Taita (Lower Hutt & Naenae) | Patele Taisali |
| | | | |
| Aso Sa Tolu | | | |
| 16 Oketopa 2022 | 11.00am. | Newtown | Patele Taisali |
| | 11.00am | Holy Family | Patele Andrew |
| | | | |
| Aso Sa Fa | | | |
| 23 Oketopa 2022 | 11.30am | Te Wairua Tapu - Wainui (Wainuiomata & Petone) | Leai se Misasa |
| | 11.30am | Stokes Valley | Patele Taisali |
| Aso Sa Lima 30 Oketopa | 11.30am | .Titahj Bay – (Newtown & Seatoun) - Misasa mo le Amataina aloa'ia o le galuega a le Sussuga ia Vaueli ma le Faletua ia Veronika | .Patele Andrew Con – Celebrants – Patele Maleko Patele Taisali |